

萬有文庫


第一集一千種

王雲五主編

閱藏知津

(五)

釋智旭編



商務印書館發行

萬有文庫

第一集一千種

總編者

王雲五

商務印書館發行

上海圖書館藏書




A541 212 0003 4400B

閱藏知津

(五)

釋智旭編



國學基本叢書

# 閱藏知津

## 卷第二十六

### 小乘經藏之一 卽阿含部

述曰。阿含亦云阿笈多。此翻教。又翻無比法。又翻法歸。蓋是萬法之淵府。總持之林苑。是故通則大小二教。皆號阿含。別則小開四部。謂增壹。明人天因果。長破邪見。中明深義。雜明禪法。又復約別。雖云在第二時。實則通該一代。良由一類衆生。始終見小。直至示入涅槃。不聞大教。凡是三印所印。悉宜收入此部。

增壹阿含經五十卷。前有釋道安序。形端表正空。

苻秦兜佉勒國沙門曇摩難提譯。

序品第一。先偈讚述意。次彌勒菩薩告賢劫大士。及諸天。共流布法。阿難以此法。囑累優多羅尊者。大迦葉隨問。何以獨囑此增壹阿含。何以獨囑優多羅。阿難答曰。增壹卽是一切法。優多羅曾受持七佛之法故也。十念品第二。念佛。念法。念僧。念戒。念施。念天。念休息。念安般。念身。非常。念死。廣演品第三。廣說十念法門。弟子品第四。佛說百比丘各有第一法。比丘尼品第五。說五十尼功德。清信士品第六。說四十優婆塞功德。清信女品第七。說三十優婆塞功德。阿須倫品第八。說阿須倫欲

犯日而不能。喻波旬不能得如法比丘六根之便。次說如來一人出世。饒益多人。令人入道。有智慧光。消滅無明。現助道法。如來若沒。人民失蔭。若復出世。人民光澤。三惡減少。無能及者。子品第九說。一子一女喻。誠比丘善念專心。求於果證。次說不見一法疾於心者。次說不見一法眩惑於人。如女色者。次說亂想過失。不淨想力用。護心品第十。謂無放逸修善法。及說施主果報。亦勸比丘修福修信。不還品第十一。說滅一法成阿那含。謂欲也。恚也。癡也。慳也。次說心難降伏。則受苦。心易降伏。則受樂。次說財利爲害最重。提婆達因利養入泥犁。一入道品第十二。說一入道。能證泥洹。謂滅五蓋。思惟四意止。次勸修慈三業。說佛爲世尊。說瞻病功德。阿練若頭陀功德。讚迦葉年老不捨頭陀行。能令佛法久住於世。成就三乘道果。次說提婆達因利養障無上道。次明提婆達愚人。不知善惡報。故作是說。何處有惡。惡從誰生。誰作此惡。而受其報。次更二番訶利養過。利養品第十三。說脩羅陀因利養退道。佛滅味欲而證道。摩利夫人說愛別離苦。以悟王心。佛及舍利弗爲長者說。身心有患無患法。佛爲婆羅門說。二十一結。必墮惡趣。一瞋。二害。三眠。四調。五疑。六怒。七忌。八惱。九嫉。十憎。十一無慚。十二無愧。十三幻。十四姦。十五僞。十六諍。十七憍。十八慢。十九妒。二十增上慢。二十一貧。息此二十一結。修慈悲喜護。便證三明。佛以偈答帝釋。釋問須菩提病。五戒品第十四。說殺等墮三塗。不殺等。人天得道。有無品第十五。二法初說有無二見過患。分別二施。二業。二恩。智愚二像貌。思惟二法。禮如來禮法塔寺。二因緣起正見。謂受彼教誨。內思止觀。火滅品第十六。難陀成道。魔擾之而不動。爲波斯匿王說法。佛爲比丘說二涅槃。烏豬二喻。驢牛二喻。善不善二行。邪正二法。燭明之法。忍思惟二力。阿那

律爲梵志說法。佛記羅云漸當得道。安般品第十七。佛爲羅云說安般法。令證果位。說如來輪王出世甚難。支佛羅漢亦難。二法甚爲煩惱。邪見一切不可貴。正見一切可貴。欲無厭足。如頂生王。善惡知識。如黑白月。貢高爲惡。知識不貢高爲善。知識。周利槃特。及舍利弗。化世典婆羅門。提婆達。勸太子弑父。佛爲比丘說當捨非法。行正法。慚愧品第十八。讚慚愧二法。分別二無厭足。當習法施。勿習食施。佛令迦葉受梵志婦食。俾其夫婦證果。降伏醉象。令大衆獲益。執難陀見天堂地獄。而令證果。爲大愛道說禮佛法。說二人謗佛。謂法說非法。非法說法。二人獲福。謂稱譽應稱譽者。不稱不應稱者。勸請品第十九。佛初成道。梵王請轉法輪。爲五比丘說捨捨苦樂二事。行八正中道。爲天帝說斷欲法。目連重往驗之。佛說二人無恐怖。師王及羅漢。二法無智慧。不問不精進。二法常貧賤。阻施及不施。二法生貧家。不孝不事勝。佛涅槃後。須深女問大拘絺羅。優蹋藍弗等二人。何時盡苦際。迦遮延爲婆羅門說老地壯地法。佛說二人難得一說法。二聞法奉行。爲諸童子說應念返復。不忘小恩。善知識品第二十。歎善知識功德。爲五百比丘訶惡知識。過受其懺悔。而證道果。因曇摩留支說錠光佛時之事。爲比丘說師子似羊法。讚知返復人。訶懈怠法。勸修止觀。勸修恭敬精進。說無信及慳貪人。難與說法。供養父母。及一生補處菩薩。得大果報。勸供養父母。教朱利槃特誦掃箒。悟除垢義。教比丘除愛。則離愛怨二苦。三寶品第二十一。法初首明三自歸之德。次明三福業。一施。二平等。四無量心。三思惟。七覺支。次明三緣受胎。應方便求斷。次明欲起慈心。應緣三寶。次因瞿波離。謗二尊者。墮大地獄。而勸修三善行。次明三法盡漏。謂諸根寂靜。飲食知節。不失經行。次明風痰冷三患。酥蜜油爲良藥。貪瞋癡三患不

063318

淨慈心因緣爲良藥。次明三惡應捨。三善應修。次明欲色痛各有味。有過有捨離法。次明應於三不牢。要求成牢要。謂身命財。三供養品第二十二。如來羅漢輪王應供養。於三寶所種善根不可盡。當以四念處滅三痛。三事宜覆。女人呪術。邪見。三事宜露。日月佛法。應觀三有爲相。愚有三相三法。智有三相三法。即三業也。戒定慧三法不可覺知。覺則成道。三法可愛而不可保。謂少壯無病長壽。三事速入惡趣。謂貪欲睡眠掉戲。三法無厭足。謂貪欲飲酒睡眠。地主品第二十三。佛爲波斯匿王說作福無厭宜。如昔王帝釋試婆拘盧能說法。佛以琴喻。化二十億耳比丘。佛爲波斯匿王說婆提長者因緣。勸行廣施。佛爲阿難說戒聞施。三妙香。佛因提婆達。爲比丘說不著利養。能獲戒定慧法。說三不善根墮三惡。三善根生人天。分別三聚。謂邪正不定。分別三惡親三善觀果報。高幢品第二十四。念三寶得無畏。猶諸天念三幢勝脩羅。爲毗沙鬼說法。救那優羅小兒。爲釋種說法。王勝於輪王。爲比丘說無常。爲五比丘說法。乃至度三迦葉。度釋種。爲比丘說三齋日。天王使者。太子及自身。觀察世間。應受八齋法。爲比丘說三事。現在前獲福無量。一信二財三持梵行者。爲鬪諍比丘說長壽王事。爲大將讚阿那律等三人。爲比丘說三結使過患。一身邪二戒盜三疑。爲比丘說三三昧。四諦品第二十五。四法初說知四諦者出苦。不知者墮五道中。說四法饒益。一親近善知識。二聞法。三知法。四法法相明。說如來出世。便成四未曾有法。說擔持擔擔因緣。捨擔。說四生應捨離。舍利弗說四人。謂有結無結。各論知與不知。佛說生熟四果。似四種人。說鳥聲形四料簡。說雲雷雨四料簡。皆喻比丘。四意斷品第二十六。說無放逸。修行四意斷。如地。如輪王。如月。如婆斯華。爲匿王說先闍後明等四人。爲比丘說老病死愛。

別離四不可喜。應覺四法。謂戒定慧解脫。爲匿王說。老病死無常。猶四山來合。說諸行無常。苦無我。涅槃休息。舍利弗爲衆說四辯。佛爲舍利弗說四不可思議事。謂世界衆生。龍及佛土。因舍利弗目連滅度。佛爲阿難說四人應起塔。謂輪王。聲聞支佛。如來。說婆迦梨比丘得四諦。魔欲覓其生處不可得。等趣四諦品第二十七。佛勅人親近舍利弗目連。聞其廣演四諦義。佛說外道不能分別四受。謂欲受見受戒受我受。佛爲長者說至心布施及作房三歸五戒。慈心厭離功德轉勝。佛爲比丘說日出喻。爲彌勒說四法具足六度。爲比丘說四無畏。說四衆多聞。博古通今爲第一。說四金翅鳥食四龍而不能食事。佛者以如來行四等心故。說惠施有四功德不可稱量。謂知時自手淨潔極妙。說四人可敬。謂持信奉法。身證見到。聲聞品第二十八。目連迦葉阿那律共化跋提長者。寶頭盧化老母難陀。佛因長者爲比丘說受三歸五戒法。許分分受。佛說日月四翳。喻欲恚癡利養四結。佛爲童子說四種座。卑座天座。梵座。佛令鹿頭梵志擊骨。辨男女病原。及所生處。惟不能辨阿羅漢骨。梵志因出家成道。說四界八界義。佛爲比丘說四大廣演之義。謂契經律阿毗曇戒。或非經本。或是義說。或戒行與味相應。或真是佛說。佛爲匿王說世間四事。先苦後樂。亦爲比丘說四事。先苦後樂。謂梵行誦習坐禪。數息。能得四禪四果之樂。佛說四果。一如黃藍花。一如芬陀利。一似柔輦。一柔輦中柔輦。苦樂品第二十九。說先苦後樂等四人。說身樂心不樂等四人。說四梵福一起塔。二治故寺。三和合聖衆。四請轉法輪。說四食宜捨離。說四辯宜求成就。說四事不可思議。當思四諦。說四神足。當修行。說四起愛法。莫貪著。謂四事供養。說四姓出家。同名釋子。如四河入海。說四等心。名爲梵堂。須陀品第三十。須陀沙彌隨佛。



問隨答。佛讚印之。許其即爲比丘。老比丘舒脚眠。小沙彌正身坐。佛說眠者當生龍中。坐者當見四諦。阿那邪耶長者女修摩提。嫁滿財長者子。令其家供佛僧。同悟道。增上品第三十一。爲生漏梵志說。閒居處修成道法。爲比丘說善知識。應以四事教諸父母知親。謂恭敬三寶。受持戒律。爲比丘說四事。行跡。謂苦樂各有愚惑。速疾應奉行苦速疾行跡。爲四梵志不免無常。說四法本。所謂無常。苦。無我。滅。盡。爲涅槃。說諸天四園四池。比丘亦四園四池。四等爲園。四三昧爲池。說四蛇。五持刀。六怨家。喻說身。口。意。命。善生善處。惡生惡處。修四禪得盡漏。說初苦行不得道。依戒。定。慧。解脫。四賢聖道而成佛。爲天人說四流。四樂。四諦法。說比丘當修無常想。爲二弟子訶勝負心。善聚品第三十二。五法初。說信等五根爲善聚。貪等五蓋爲不善聚。說禮佛五功德。說佛以天眼見閻羅王將五天使。詰責罪人。及說地獄衆苦。誠諸比丘當滅五結。修行五根。說自恣時。衆僧清淨。印讚多耆奢造偈第一。說天子五衰相現。歸佛得免惡道。爲長者子出家證道。尊者那羅陀爲文茶王說除憂經。謂除去五愁憂刺。佛說病人五法難差。五法易差。又說瞻病人五法難差。五法易差。佛爲師子大將說惠施五德。又爲比丘說惠施五功德。又說應時施有五事。五王品第三十三。五國王各論一塵偏妙。佛言平等論之。隨所好則各妙。然各有過失。各有出要。佛爲月光長者。記其子尸婆羅當出家。後果同五百童子出家。福德第一。并說其往因。佛兩番說五戰鬪人。皆喻比丘。佛說掃地五事。掃塔五事。說長遊五難。不多遊五功德。說恆一處止。五非法。又說不一處住。五功德。佛因大火燒樹。說破戒受供。倍於猛火。等見品第三十四。舍利弗說戒成就人。乃至阿那舍人。皆當思惟五陰苦惱。絛流離王滅釋因果本末。佛說諸天有五衰相。說

出家有五毀辱法。一髮長。二爪長。三衣垢。四不知時宜。五多有所論。鷄頭梵志以二金錢營供。諸天助之。乃至出家成道。佛說世間五事最不可得。謂不喪。不盡。不老。不病。不死。說五人不可療治。一諛諂。二姦邪。三惡口。四嫉妬。五無反復。說脩羅謂諸天非法。則被天縛。比丘與結使。則被魔縛。爲阿難說五陰名盡法。爲生漏梵志說使民減少因緣。邪聚品第三十五。說五事知是邪聚。應笑不笑。應喜不喜。應慈不慈。作惡不恥。聞善不著意。反是爲正聚相。說如來出現。必爲五事。一轉法輪。二度父母。三無信令信。四使發心。五授佛決。說五施無福。一刀。二毒。三野牛。四婬女。五神祠。五施福大。一園觀。二林樹。三橋梁。四大船。五住處。說女人以五力輕夫。夫以富貴力蔽之。魔以五塵力縛人。人以無放逸力勝之。說女人有五想。比丘亦應有五想。謂戒。聞。定。慧。解脫。說五時不應向人禮。塔中衆。中道路。病臥。飲食。因度毗舍羅長者。而說湯施之德。爲欲捨戒比丘。說女人五難。多耆。奢比丘。觀五陰而斷欲。證果。僧伽摩比丘。七返降魔。聽法品第三十六。說隨時聽法五功德。說作浴室五功德。說施楊枝五功德。說屠牛等人無善根。目連降二龍。佛往忉利爲母說法。優填王造栴檀像。波斯匿王造金像。佛從天下。五王起大神寺。六重品第三十七。六法初。說六重法。謂身。口。意。三業。慈。同利。同戒。同見。說舍利弗所入三昧。目連不知名字。然目連其實神足第一。舍利弗等。各說牛師子園快樂之法。佛咸印之。佛說呪願六德。施主成就信。戒。聞。彼物成就色。味。香。佛說比丘欲求佛教。欲得四事。欲求知足。欲多知識。欲求四禪。欲求八解。欲求天耳。欲求神通。欲得神足。欲知宿命。欲求天眼。欲求漏盡。皆當念戒德具足。舍利弗爲比丘說六法入地獄。六法生天。六法至涅槃。佛爲比丘說第一空法。謂觀六入因緣生滅。佛爲生漏梵志說刹

利乃至比丘所欲所行所著所究竟各各不同。又爲梵志說不修梵行事。薩遮尼毘子受佛化。命終生天。力品第三十八。說凡常六力。小兒啼。女人悲。沙門梵志忍。國王慢。羅漢專精。佛大慈悲。應學大慈悲力。說應修無常想。不修者生三惡道。修者生人天。得涅槃。佛爲梵志證。內外六塵六入法。佛說未成道時。思惟十二因緣。如見古昔王城。佛訶阿那律睡眠。阿那律不眠。失目。證天眼。當補衣時。佛爲貫鍼。因說六法無有厭足。一施。二教戒。三忍。四法說義。說五將護衆生。六求無上道。佛降央掘魔。令寤。如來滅六見法。出家證果。以至誠言而救產難。忍打罵辱。并爲比丘說其往因。佛說諸山前後各有異名。唯仙人山更無異名。佛勅比丘專念修己。謂觀六情。佛勸修無常想。述古時女人因辟支說法。思惟六情無主。得生梵天。佛爲波斯匿王說正法。治化增六事功德。王亦讚佛以六事應受禮拜。佛爲毗舍離除疫病苦。說二千五百寶蓋。夙因所致。輸盧比丘尼降伏六師。佛說六情染著則流轉。思惟不淨。即成道迹。等法品第三十九。七法初。明七法得樂。得果。謂知法。知義。知時。自知。知足。知入衆。觀察衆人。法者。十二部經。義者。如來機趣。時者。止觀語默等。自者。善能修己。足者。行住進止之宜。皆知止足。衆者。刹利。梵志。長者。沙門等。語默法則。觀察衆人者。知其根原勝劣。說晝度樹七喻。喻賢聖弟子發心出家。遊四禪。成無漏。說七事水喻。喻無善退善不進。及四果證。說王治七法。喻淨戒護根。多聞方便。四增上心。四神足。分別陰界入緣起。說七神識住處。勅病比丘均頭。說七覺意而病愈。說輪王七寶。法王七覺。有比丘慕輪王快樂。佛令修梵行證果。有天語童真迦葉。此舍七喻。迦葉問佛知義而證果。滿願子爲舍利弗說七車喻。七日品第四十。說七日出時。世界無常。及說成劫。漸有四姓。說跋祇人修七法。不爲

外寇所壞。比丘亦有七不退轉法。魔不得便。說貪欲。瞋恚。憍慢。癡疑。見欲。七使。七覺治之。說七人可事。可敬。一慈。二悲。三喜。四護。五空。六無相。七無願。說毗羅先長者。七日應命終墮落。阿難度令出家。一日修十念。生天上。說淨諸漏法。或緣見。或恭敬。或親近。或遠離。或娛樂。或威儀。或思惟。說七事增益功德。起僧藍。施牀座。施食。施雨衣。施藥。作井。作近道舍。說思惟死想。宜於出入息中。爲波斯匿王說七儼形等。非是梵行人。迦旃延廣演佛所說不著世不住世義。莫畏品第四十一。說斷三結。名不退轉義。勅摩訶男。莫生怖畏。那伽波羅度。長老梵志成道。佛勅比丘觀七處善。又察四法。謂慈悲喜護空。無相願及四念處。舍利弗爲北遊比丘說八道七覺法。迦葉不捨頭陀行。佛以法寶付囑之。并付阿難。八難品第四十二。八法初說地獄畜生。餓鬼。長壽天。邊地。根缺。邪見。無佛世。爲八難。說八大地獄因果。應修八正道。離之。佛以父母力起石。令力士降伏。次說神力智慧。遠勝目連。舍利。又度君荼羅比丘尼。又讚阿難有四未曾有法。又爲阿難說待女人法。罰車匿法。又度五百摩羅及摩須跋。佛因阿須倫說八法如海。佛說八緣。天地大動。佛爲阿那律說戒勝於聞。及說八大人念。一少欲。二知足。三閒居。四戒。五三昧。六智慧。解脫。七多聞。八精進。佛說八部衆。一刹利。二婆羅門。三長者。四沙門。五四王。六三十三天。七魔。八梵。佛以八法勝之。阿那邪耶長者八處惠施。佛讚歎之。并爲說福田勝劣。佛說惠施八德。一隨時。二鮮潔。三親手。四誓願。五不望報。六求滅度。七施良田。八迴向衆生。佛說八邪趨泥犁。八正向涅槃。馬血天子品第四十三。佛爲馬血天子說惟八正道。得盡世界邊際。佛說八關齋法。及發願功德。引古本生事爲證。佛因水漂木。說無八事。便漸至海。喻人得至涅槃。牧牛難陀因發心出家。并問其義。佛言。

此岸是身邪。彼岸身邪滅。中沒者欲愛。岸上者五欲。人捉求王福。非人捉求天。迴轉是邪疑。腐敗是八邪。佛因提婆達說利養能害八正道。佛爲比丘說棧喻。敍昔降魔之事。佛說牧牛度水愚黠喻。佛度阿闍世王得無根信。佛說比丘應除世八法。說佛不著八法。說八人不住生死。謂四果四向。九衆生居品第四十四。九法初。說九衆生居。說嚬願九德。施主三法。信願不殺物三法。色香味受者三法。戒慧定說惡比丘成九法不成道。一強顏。二耐辱。三貪心。四慳著。五健忘。六邪思。七隱匿。八無返復。九念不捨離。說孔雀九法。喻比丘九善法。一端正。二清徹。三庠序。四知時。五知節。六知足。七念不分散。八少睡。九少欲。知返復。說女人九法。繫縛男子。當念捨之。佛爲比丘說諸法之本。謂不著地等。乃至涅槃。佛躬看病比丘。勅比丘看病。佛說九人可教。謂四果。四向。及種性人。佛爲滿呼王子。顯朱利槃特之德。佛爲阿難說善知識是全梵行。佛爲天帝說衆生性行不同。馬王品第四十五。婆羅門獻女於佛。佛不受之。有一比丘欲受佛爲說女人九惡。并說往昔商人墮羅刹國。乘馬王度難因緣。佛爲舍利弗目犍連說九法不得長大。九法有所成辦。佛說比丘應念少欲知足。佛爲惡魔說拘留孫佛時事。明世間四食段觸思識。出世五食禪願念解脫喜。佛勸比丘應修慈心。如食金剛。佛爲舍利弗讚空三昧。佛應尸利掘長者火坑毒食之請。令其見諦。結禁品第四十六。十法初。說十事功德結戒。說聖賢所居之處。有十事。說如來成就十力。知五陰四諦。因緣生滅。說如來十力。四無所畏。說十念法。謂念佛念法念僧念戒念施念天念止觀念安般念身念死。說比丘親近國家。有十非法。說國王十非法。十法比丘亦十非法。十法者。一持戒。二敬佛。三敬法。四敬僧。五少欲知足。六隨戒。七坐禪。八閒靜。九與善知識從事。十

多聞。佛爲比丘說十論十義十演。一依食。二名色。三受。四諦。五根。六重。七神止處。八世法。九衆生居。十念。佛勸比丘修十想。一白骨。二青瘀。三胖脹。四食不消。五血。六噉。七無常。八貪食。九死。十不可樂。佛爲比丘訶欲想。令重修十想證果。善惡品第四十七。說十惡墮落。十善生天。十念滅度。說十惡果報。說知善惡罪福。名知幻者。警世論比丘當論十功德論。亦警求四事者。亦警分別國主善惡者。亦警評論波斯匿王者。爲羅云施主說平等施法。爲均頭說十善除滅邪見。論壽命長短事。十不善品第四十八。廣說十不善果報。說七佛略廣二戒因緣。說彌勒佛時事。說七佛事。爲師子長者說供僧福多。及讚平等行施。說金剛三昧力。鬼不能害。火不能燒。牧牛品第四十九。第四分別誦佛說牧牛得失。各十一法。比丘得失。亦各十一法。一知色。二知相。三知摩刷。謂離惡念。四知護瘡。謂護根。五知起煙。謂多聞說法。六知良田茂草。謂八正道。七知所愛。謂愛法寶。八知擇道行。謂行十二部經。九知渡處。謂四意止。十知止足。謂不貪食。十一恭奉長老比丘。佛說比丘應成就十一法。戒定慧解脫。解脫見慧。根寂知足。修法。知方便。分別義。不著利。并讚十一苦行迦葉比丘。佛因十大弟子。并提婆達。各將徒衆遊行。因說善惡。各各以類相從。象舍利弗還俗。重出家證果。爲諸人民說十一法。阿羅漢所不習。一捨戒。二不淨。三殺生。四盜。五殘食。六妄語。七羣黨。八惡言。九狐疑。十恐懼。十一受餘師及受胞胎。又分別五通六通不同。佛爲比丘釋十二因緣法。并爲阿難說其甚深。翅窣梵志聞法。請佛施羅梵志出家證果。佛讚一坐食法。佛說有習行沙門。有誓願沙門。及說沙門法行。婆羅門法行。敍提婆達出家得神足。造逆墮地獄。悔心蒙授記。及目連往訊始末。佛說慈心十一果報。臥安覺安。無惡夢。天護人愛。不毒不兵。水火盜。

賊俱不侵。得生梵天。禮三寶品第五十。說禮佛寺十一法。禮法十一法。禮僧十一法。說過去轉輪王以法相繼事。勅阿難莫增減所受持法。說四人泥犁罪報相。說佛明知五趣。及涅槃因果。說雪山樹五事。長大人亦如是。當求信戒。聞施慧。說姪欲決定障道。及說受持十二部經。須善知義。不知義者。如捉蛇尾。反被其害。知義者。如捉蛇頸。佛爲生漏梵志。說三世劫數無量。佛爲異比丘說辟支佛出名小劫。佛出名大劫。非常品第五十一。說生死中墮淚多於恆水。流血亦多於恆水。勸修無常想。說音響王求得子成辟支。起塔供養事以證之。說比丘及尼。應除心五弊。斷心五結。五弊者。疑佛法。僧犯戒。不悔。爲生天而修行。五結者。懈怠。眠寐。心亂。根不定。喜在鬧。佛說比丘應精進持戒。勝犯戒衆。如王治國。佛說寧常睡眠。不於覺寤。亂想造業。佛說長者以金誘四子歸依三寶。得無量福報。舍利弗爲阿那邠邸長者說法。令其生天。佛說四種婦人法。令長者兒婦改過見道。佛爲舍利弗說生死苦。亦說生者宜在豪貴。大愛道般涅槃品第五十二。大愛道等五百比丘尼。及二沙彌尼滅度。佛自供養大愛道。以報養育之恩。婆陀比丘尼憶宿命而笑。因爲衆尼說之。佛爲比丘說生死劫長。應生厭患。一作大城芥子喻。一作天衣拂石喻。佛說隨時聞法五功德。佛爲師子大將說施主五功德。爲波斯匿王說福田有勝劣。施心宜平等。因波斯匿王殺庶母百子而悔過。爲說四苦難免。十惡報劇。應正法治化。莫以非法。佛爲王釋十夢。而王歸信。

佛說阿羅漢具德經八紙半。南風北臨。

宋中印土沙門法賢譯。

佛在祇園說百弟子之德及說比丘尼優婆塞優婆夷之德此與增壹阿含弟子比丘尼等品同本  
△佛說四人出現世間經三紙欠。南福北緣。

劉宋中天竺沙門求那跋陀羅譯。

爲波斯匿王說先後醜妙四人不同出增壹阿含四意斷品。

佛說波斯匿王太后崩塵土盆身經二紙半。南緣北善。

西晉沙門釋法炬譯。

說四恐懼如四山合逼無能避者亦名除憂患經亦出四意斷品。

○須摩提女經一卷。南緣北敬。

吳月支國優婆塞支謙譯。

佛說三摩竭經九紙。南尺北敬。

吳天竺沙門竺炎律譯。

○佛說給孤長者女得度因緣經三卷。南作二。北作一。南蘭北薄。

宋北印土沙門施護譯。

三經俱出增壹阿含須陀品。

佛說婆羅門避死經一紙欠。南緣北善。

後漢安息國沙門安世高譯。



出增壹阿含增上品。

○食施獲五福報經一紙餘。亦名佛說施色力經。南緣北善。

東首錄。

謂命色力安辯也。出增壹阿含善聚品。

頻婆娑羅王詣佛供養經四紙半。南緣北善。

西首沙門釋法炬譯。

出增壹阿含等見品。

佛說長者子六過出家經二紙欠。南緣北善。

劉宋沙門釋慧簡譯。

出增壹阿含邪聚品。

佛說央崛魔經五紙。南緣北善。

西首月支國沙門竺法護譯。

出增壹阿合力品。

佛說央崛髻經五紙。南緣北善。

西首月支國沙門竺法護譯。

與上經同。

佛說力士移山經四紙半。南緣北善。

西首月支國沙門竺法護譯。

出增壹阿含八難品。

佛說四未曾有法經一紙餘。南緣北善。

西首月支國沙門竺法護譯。

說阿難同輪王四法亦出八難品。

佛說舍利弗目犍連遊四衢經二紙餘。南緣北善。

後漢康居國沙門康孟詳譯。

衆聲喧鬧佛不許見。因諸天請佛召見之。出增壹阿含馬王品。

七佛父母姓字經三紙。南緣北善。

曹魏失譯人名。

出增壹阿含十不善品。

△佛說放牛經三紙餘。南緣北善。

姚秦天竺沙門鳩摩羅什譯。

出增壹阿含放牛品。以放牛十一法喻比丘十一法也。

緣起經二紙欠。南緣北善。

唐大慈恩寺沙門釋玄奘譯。

亦出放牛品釋十二緣起義。

佛說十一想思念如來經一紙。南緣北善。

劉宋中天竺沙門求那跋陀羅譯。

共二經。初明十一想。次明十一果報。出增壹阿含禮三寶品。

佛說四泥犁經一紙半。南緣北善。

東晉西域沙門竺曇無蘭譯。

說提舍瞿波離等四人苦果。及其因。亦出禮三寶品。

阿那邠化七子經三紙餘。南緣北慶。

後漢安息國沙門安世高譯。

出增壹阿含非常品。

玉耶女經三紙欠。慶。

西晉錄。失譯人名。

給孤長者兒婦。不行婦禮。長者請佛。爲說女人十惡。又說五善三惡之法。分別七種婦之差別。乃悔過。求受十戒。一不殺生。二不偷盜。三不淫泆。四不妄語。五不飲酒。六不惡罵。七不綺語。八不嫉妬。九不瞋恚。十者信善得善。此優婆夷所行戒。亦出增壹阿含非常品。

○玉耶經四紙欠。慶

東晉西域沙門竺曇無蘭譯。

△阿遼達經一紙半。慶

劉中宋天竺沙門求那跋陀羅譯。

二經並同上。而宋譯先更說子報父母恩法。

佛說大愛道般涅槃經六紙餘。南緣北慶。

西晉河內沙門白法祖譯。

佛母般泥洹經三紙餘。南緣北慶。

劉宋沙門釋慧簡譯。

後附佛般泥洹後變記半紙。次第說十百年事。

舍衛國王夢見十事經三紙半。南緣北善。

失譯人名。附西晉錄。

佛說國王不黎先尼十夢經四紙欠。南緣北善。

東晉西域沙門竺曇無蘭譯。

四經俱出大愛道般涅槃品。

## 卷二十七

### 小乘經藏之二

中阿含經六十卷 作聖德建名立

東晉罽賓國沙門瞿曇僧伽提婆譯。

○七法品第一 一善法經。謂知法。知義。知時。知節。知己。知衆。知人勝如。二晝度樹經。以天樹從葉萎

至華敷。喻比丘從捨家至證四果。三城喻經。以王舍城七事具足。四食豐饒。喻比丘七財具足。四禪成就。七財。謂信。慚。愧。進。聞。念。慧。四水喻經。以常臥水中。乃至住岸等七人。喻常作惡。乃至成四果者。

五木積喻經。寧抱火木。不抱女人。寧斷骨髓。不以破戒身受按摩。寧截髀。不以破戒身受禮敬。寧鏤絡身。不以破戒身受衣服。寧吞鐵丸。不以破戒食人信施。寧臥鐵牀。不以破戒身受臥具。寧倒入釜中。不以破戒入溫室等。六善人往來經。七種那含喻。七世間福經。施房牀座衣等。爲世間七種福。聞佛名及弟子。極喜。乃至受戒。爲出世七種福。八七日經。以劫盡七日並出。而觀無常。九七車經。滿慈子爲舍梨子說波斯匿七車速行之喻。喻戒淨。心淨。見淨。疑蓋淨。道非道。知見淨。道迹。知見淨。道迹。斷智淨。展轉施設無餘。涅槃。十漏盡經。謂有漏。或從見斷。或從護斷。或從離斷。或從用斷。或從忍斷。或從除斷。或從思惟斷。

○業相應品第二 一鹽喻經。不修身戒。心智者。作不善業。必招地獄之報。能修身戒。心智者。設有不善

業受現輕報。如一兩鹽投少水中。則不可飲。投恆水中。則不覺鹽。又作奪羊負債二喻。二和破經。佛爲和破外道說無明盡者不受後有。及說六善住處。謂眼見色不喜不憂等。三度經。破外道宿命尊祐無因緣三種論。顯正教六處法。六界法。四羅云經。傾水覆器。誡羅云莫妄語。又說象護鼻喻。人照鏡喻。五思經。說故作十惡。必受惡報。若不故作。則不定受。及勸修四無量心。六伽藍經。爲伽藍國衆人說戒十惡。修慈悲喜捨。得四安隱住處。七伽彌尼經。爲伽彌尼天子說黑白果報。如石如油。一沈一浮。八師子經。爲師子大臣說宗本不可作。可作等義。九尼嚩經。爲比丘說破尼嚩義。說尼嚩五可憎惡。如來得五稱譽。十波羅牢經。爲波羅牢說知幻非即幻。及說現法不定受報。并示四無量心遠離法。定能斷疑惑。

○舍梨子相應品第三 一等心經。舍梨子爲諸比丘分別內結外結等心。天以此白佛。佛於衆中讚之。如是至三。次於佛前亦三說三非。佛乃訶烏陀夷。并訶阿難。次因白淨尊者說五法可愛敬尊。重勸諸比丘尊重舍梨子。三智經。舍梨子答黑齒比丘之問。黑齒白佛。佛設種種問。舍梨子一一善答。佛讚許之。四師子吼經。有一梵行。於佛前誣舍梨子輕慢之。佛召舍梨子。故問虛實。舍梨子說截角牛。截手旃陀羅。地水火風掃箒。哺旃尼。破膏瓶。死屍繫等喻。明無此事。彼比丘乃求悔過。佛勸舍梨子受之。五水喻經。舍梨子說五除惱法。謂於身口意淨不淨等。皆莫生惱。四喻於水。一喻曠野病人。六瞿尼師經。瞿尼師比丘。在無事室。調笑僛擾。舍梨子乃於衆中說無事比丘。當學敬重。不調笑。不畜生論。

不憍傲。護根食。知止足。精進。正念。智。知時。知善坐。論。律。阿毗曇。論。息。解脫。論。漏。盡。智。通。人間比丘亦爾。  
七。梵志陀然經。舍梨子爲知友。陀然說法。令信佛。次又爲其病時。說四無量心。八。教化病經。舍梨子爲給孤長者說法。令病得愈。長者自說造園因緣。九。大拘絺那經。舍梨子問比丘成就見得正見。入正法事。於拘絺那。拘絺那答之。知不善不善根。知善善根。知食集滅道。知漏集滅道。知苦集滅道。乃至從老死一一說至無明。若無明已盡。明已生。無所復作。十。象迹喻經。一切善法。皆四聖諦所攝。如諸迹中象迹第一。因廣說內外四大觀。十一。分別聖諦經。佛讚舍梨子善能說法。已入於靜室。舍梨子卽爲大衆廣釋四諦義。

○未曾有法品第四 一。未曾有經。阿難述佛種種未曾有事。佛教令更受持。如來知生住滅智。二。侍者經。目連勸阿難侍佛。阿難乞三願。佛讚其種種未曾有法。三。薄拘羅經。因一異學問薄拘羅。八十年來行欲事否。薄拘羅爲說種種未曾有知足之行。四。阿脩羅經。阿脩羅說大海八未曾有法。佛亦爲說佛法中八未曾有法。五。地動經。說三因緣地動。及說如來於天人中說法不可思議。六。瞻波經。目連牽犯戒比丘去。佛爲目連重說八種海喻。七。郁伽長者經。上。郁伽大醉。見佛得醒。聞法證果。以妻施人。佛讚其八未曾有法。八。郁伽長者經。下。長者恆設大施。海中沒失大船。衆比丘令阿難辭其施會。郁伽但願如轉輪王。希求出家。九。手長者經。上。以四攝攝衆。修四無量心。天讚之而不喜。佛歎其七未曾有法。十。手長者經。下。佛又讚其八未曾有法。少欲。信。慚。愧。進。念。定。慧。

○習相應品第五 一。何義經。阿難問持戒爲何義。佛言。令不悔義。如是展轉問不悔。歡悅。得喜。得止。得

樂得定。見知如實。得厭。無欲。即得解脫。婬。怒。癡。二不思經。明持戒。便得不悔。不須思量等。三念經。謂多忘。無正智。便害正念。正智。害護諸根。護戒。乃至害涅槃。四慚愧經上。明有慚愧。便習愛恭敬。便有信。有正思。惟正念。正智。護根。護戒。乃至涅槃。五慚愧經下。舍利子復說壞樹皮喻。六戒經上。明犯戒。便害不悔等。七戒經下。舍利子復說害樹根喻。八恭敬經上。明恭敬能具威儀。具學法。具戒。身定慧等。乃至涅槃。九恭敬經下。明恭敬能展轉護根。乃至無欲涅槃。十本際經。謂無明爲愛習。五蓋爲無明習。三惡行爲五蓋習。不護根爲惡行習。不正念。智爲不護根習。不正思。惟爲不正念。智習。不信爲不正思。惟習。聞惡法爲不信習。近惡知識爲聞惡法習。惡人爲近惡知識習。七覺爲明脫習。四念處爲七覺習。三妙行爲念處習。護根爲妙行習。乃至正念。智。正思。惟。正信。聞法。近善知識。善人。展轉爲習。十一食經上。食與習同。而說大海以大河爲食。乃至雨爲食喻。十二食經下。法同喻。稍略。十三盡智經。謂盡智以解脫爲習。乃至不悔。以護戒爲習。護戒又以護根爲習。如是正念。智。正思。惟。正信。觀法。忍。玩誦法。受持法。觀法。義。耳界聞善法。往詣奉事善知識。展轉爲習。十四涅槃經。明涅槃以解脫爲習。乃至正信。以苦爲習。苦以無明爲習。徧觀十二因緣。而得涅槃。十五彌醯經。彌醯侍佛。辭佛往靜處學斷。反起欲。恚。害。三惡念。乃歸佛所。佛爲說心解脫未熟。欲令熟者。有五習法。一與善知識俱。二護戒威儀。三說聖法。四精進斷惡修善。五觀興衰法。又修四法。惡露斷欲。慈斷恚。出入息斷亂。無常斷慢。而皆以與善知識俱。乃得成後四事。及四法。十六即爲比丘說經。重說上義也。

○王相應品第六 一七寶經。佛法有七覺。如輪王七寶。 二三十二相經。三四洲經。說頂生王不知



足而死之事。四牛糞喻經。佛以手爪抄少牛糞而告比丘。不見有少色常住不變。而一向樂也。覺想行識亦復如是。五頻鞞娑羅王迎佛經。爲說無常等法。令證果。六鞞婆麗陵耆經。說迦葉佛時。難提波羅陶師。勸優多羅童子見佛出家事。七天使經。說閻王以生老病死治罪。五種事詰責罪人名。爲五天使者。及說地獄衆苦。初一日誦竟。八鳥鳥喻經。說比丘莫如獼。究暮鷲食吐鳥。豺鳥常如猩。九說本經。阿那律說過去因。佛更爲說未來彌勒佛事。十大天捺林經。說往古大天輪王。髮白出家。教子孫亦如是出家。凡八萬四千世。最後王名尼彌。廣行戒善。帝釋請到天上事。并囑阿難轉相繼法。莫令佛種斷。十一大善見王經。說往古王於拘尸城修四無量。六返捨身。今如來入滅爲第七。十二三十喻經。戒德爲嚴飾具。乃至心解脫爲珠寶。自觀己心。爲身極淨。十三轉輪王經。說增減劫。由善惡業。誠諸比丘。應如螺轉輪王。謂念處爲自境界。如意足爲壽。戒爲色。禪爲樂。無漏爲力。能降伏魔。十四蟬肆經。鳩摩羅迦葉以種種喻。斷蟬肆王無後世見。又以種種喻。令捨見。捨欲。恚怖癡。乃受三歸。行布施。但不至心。僅生叢樹林空宮殿中。反不如監布施人。得生四王天。

○長壽王品第七。一長壽王本起經。爲鬪諍比丘。說長壽王及長生太子事。比丘不改過。佛以神足。至阿那律等三人住所。見其習行無事而讚之。并爲說修天眼法。二天品經。佛爲比丘說自己修行得光明事。凡八行。謂見形色。乃至知曾生此天等。三八念經。阿那律陀作是七念。道從無欲。非有欲得。及知足。遠離。精勤。正念。定意。智慧。一一對明。佛知其所念。便往讚之。并爲說道從不戲。樂不戲行。不戲得。非從戲。樂戲行。戲得。是名八大人念。四淨不動道經。說三種淨不動道。三種淨無所有處道。一淨

無想道。及說涅槃。聖解脫。五郁伽支羅經。爲一比丘略說法要。謂四念處。應與三定。四共俱禪。並修亦修。四無量心。必得果證。六娑羅帝三族。姓子經。爲阿那律等。三年少說離欲法。乃至說授四輩生處記義。七梵天請佛經。佛知梵天邪見。無常計常。往爲說法。并訶魔說。令梵天得正見。八有勝天經。仙餘財主。請阿那律飯。問大心無量心義。阿那律爲分別之。并說光天淨光徧淨光差別因果。九迦絺那經。八百比丘。并世尊共爲阿那律作衣。佛勅阿那律爲衆說法。從信心出家持戒護根。棄蓋得禪。乃至證六通三明。是名迦絺那法。十念身經。爲諸比丘廣說念身法。成就十八功德。十一支離彌梨經。拘絺羅訶質多羅象子比丘。不恭敬不善觀。并爲其親友比丘說種種退失法。喻於後象子果捨戒還俗。十二長老上尊睡眠經。因目連晝眠。佛爲說除睡法。并說究竟梵行法。十三無刺經。因諸比丘知聲爲定刺。佛爲更說犯爲戒刺。嚴節爲護根刺。乃至欲恚癡三刺。惟阿羅訶離之。十四真人經。佛爲比丘說恃善法者。爲不真人法。不自貴賤他。爲真人法。十五說處經。爲阿難說教訶訓誨。年少比丘說處。謂應說五盛陰。內六處。外六處。六識身。更樂覺想思愛。六界緣起。念處。正斷。如意。四禪。四諦。四想。四無量。四無色。四聖種。四果。五熟解脫想。五解脫處。五根。五力。五出要界。七財。七力。七覺。八正。又說頂法。及頂退法。

○穢品第八 一穢經。舍梨子分別內有穢。內無穢。各有二種。不知如真者。皆最下賤。知如真者。皆最勝。爲說買銅盤喻。又說盛糞盛食喻。二求法經。佛說比丘宜求法。莫求飲食。又說上中下弟子隨師不隨師功過。舍梨子因即廣明三可毀。三可稱法。及說中道斷欲斷貪等。又有中道。謂八聖道。三比丘

請經。目連說比丘應請諸尊教我。訶我莫難於我。及說成就戾語法。與善語法者。過失功德。并說照鏡之喻。四知法經。周那說比丘知法不知法者。猶貧稱富。及富稱貧。五周那問見經。佛爲周那說漸損法。發心法。對法。昇上法。涅槃法。六青白蓮華喻經。佛說有法從身滅。有法從口滅。有法但從慧見滅。謂能修身戒心智。如蓮水生水長。而不著水。七水淨梵志經。佛因水淨梵志。告諸比丘。有二十一穢汙於心者。必至地獄。謂邪見。非法欲。惡貪。邪法。貪。恚。睡眠。掉悔。疑惑。瞋纏。不語結慳。嫉。欺誑。諛。無慚。無愧。慢。大慢。憍。傲。放逸。若不汙心。必至善處。兼爲梵志說淨洗以善法。偈令梵志悟。八黑比丘經。因黑比丘喜鬪諍。佛爲說不可愛及可愛法。亦說惡馬良馬喻。九住法經。佛說比丘於善法有退。有住有增。須自觀知善不善法。求斷求增。如救頭然。十無經。舍梨子說淨法衰退。及轉增之由。又述斷惡修善。如救頭然之喻。

○因品第九

一大因經。佛爲阿難廣明緣起甚深。又明七識住。及二處。於此知如真者。名慧解脫。兼修

八解脫者。名俱解脫。二念處經。說三世諸佛。皆斷五蓋。住四念處。修七覺支。而證道。因廣明四念處

觀。三苦陰經上。因異學亦言知斷欲。斷色。斷覺。比丘以此白佛。佛爲分別欲味。欲患。欲出要。色覺亦

爾。四苦陰經下。釋摩訶男生染患。癡法。佛爲說欲味。欲患。若知如真。不爲所覆。便得無上息。五增

上心經。比丘欲得增上心者。當數數念於五相。一念相善相應。二觀念惡患。三不念念。四以思行漸減

念。五以心修心。受持降伏。六念經。分別諸念作二分。欲患害念作一分。無欲患害念作一分。若生欲

患害念。須不受斷除吐。若生無欲患害念。須速修習廣布。次應治內心。常住在內。止息一意。得定向法。

次法。乃至證四禪。斷諸漏。七師子吼經。謂斷一切受。知欲受。戒受。見受。我受。以無明爲本。無明盡者。不復更受。此四受。尊信此師。信此法。具戒德。敬同學。乃堪師子吼曰。此有第一。第二。第三。第四。沙門。此外更無沙門梵志。八優曇婆羅經。實意居士詣異學園。異學欲以一論滅瞿曇。如弄空瓶。佛至其園。爲說苦行穢不穢法。總名不了。亦說正解脫法。異學屈服。但以魔力所持而不發心。九願經。因一比丘心願佛與慰勞。共語說法。得具足戒而不廢禪。成就觀行於空靜處。佛乃廣說比丘所應願事。十想經。謂若計地是神。便不知地。不計地即是神。彼使知地。乃至一切悉皆如是。

○林品第十。一林經上。料簡四種所住林。或不得正念等。雖有四事不廢住。或可得正念等。雖乏四事。不應去。或二俱不得。應夜半而去。莫與彼別。或二俱得。應盡命住。二林經下。四料簡與上同。此約得沙門義說。三自觀心經上。料簡止觀。得不得有四句。不得者。方便令得。得者。當求漏盡。四自觀心經下。觀增伺瞋恚。乃至惡慧等。多少有無。有惡須斷。有善須求漏盡。五達梵行經。知漏。知漏。因。知報。知勝。如。知盡。知滅道。如是覺。想。欲。業。苦。一一。知。因。乃至知道。是謂達梵行。能盡一切苦。六阿奴波經。記提和達多入地獄。并爲阿難說大人根智。善知六種人。七諸法本經。欲爲諸法本。更樂爲和。覺爲來。思想爲有。念爲上。主。定。爲前。慧爲上。解脫爲真。涅槃爲諸法訖。八優陀羅經。說優陀羅不知癡本。雖生非非想處。還墮狸中。比丘應知身爲癡。愛爲癡本。六更觸處爲一切漏。九蜜丸喻經。先爲執杖。釋說宗本法。執杖不是不非而去。次爲比丘略說。即入室坐。諸比丘轉問大迦旃延。然後白佛印可。十瞿曇彌經。大愛道三求出家。佛三止之。因阿難爲請。乃制八尊師法。後又請求少年比丘禮敬老尼。

佛爲說滅正法事。第二小土城誦訖。

○大品第十一 一柔軟經。佛說在家時受用。但爲老病死而出家。二龍象經。佛說惟佛爲大龍。烏陀夷因作頌讚。三說處經。比丘有三說處。謂三世有。又以二種四處觀人。知可共說。不可共說。四說無常經。謂觀五陰無常得證果。五請請經。佛因說戒時。唱言。我是後邊身。汝等眞法子。身口意清淨。無枝亦無葉。舍梨子因作頌讚。六瞻波經。說戒時。有犯戒者。佛默不說。目連牽犯戒者出。佛種種訶犯戒之罪。七沙門二十億經。二十億比丘精進而不證果。心生退悔。佛爲說彈琴喻。遂盡諸漏。向佛善說所證之義。八八難經。謂學道有八難。惟有一不難。九貧窮經。以無善法財。喻貧窮。以惡行。喻舉貸。以覆藏。喻長息。以梵行所知。爲責索。以頻生三惡念。爲數往求索。以墮惡道。喻被收縛。十行欲經。爲給孤居士。說十種行欲人。非法三。法非法三。如法四。十一福田經。爲給孤居士。說二種福田。謂十八學人。九無學人。十二優婆塞經。佛說優婆塞善護五戒。及念佛法僧戒。必得證果。十三怨家經。謂瞋恚是怨家。妨人七事。一妨好色。二妨安眠。三妨得利。四妨友朋。五妨名稱。六妨大富。七妨生善處。十四教曇彌經。曇彌罵責比丘。比丘皆去。諸優婆塞。乃逐曇彌。佛爲曇彌說樹神喻。令彼住沙門法。十五降魔經。魔入目連腹中。目連喚出。爲說昔日波旬擾佛弟子。招大苦報。汝即我甥事。魔乃怖而降伏。十六賴吒和羅經。賴吒和羅居士子。聞佛說法。發心出家。父母不許。闕地不食。許已。方起出家證果。後還父家。不被財色所動。爲父母說法。次爲拘牢婆王。說信如來所說四事故。出家。一此世無可依恃。二必趨老。三必無常。四無厭足。十七優婆離經。苦行尼毘與佛論議。立身罰最重。佛立意業。

最重。優婆離居士從尼毘處欲來難佛。反受佛化。證果斷邪。不聽尼毘入門。十八釋問經。天王先遣五結樂子。以琴歌見佛。次來問法。佛爲說因思有念。因念有欲。因欲有愛。因愛不愛。因愛不愛有慳嫉結。生大苦陰。及說八正道。護六根等。天王證初果。發願來生出家。十九善生經。善生居士奉父遺命。敬禮六方。佛爲說離四惡業。四惡行。六非道。四似親。應知四善親。及內法六方。謂東爲父母。南爲師尊。西爲妻子。北爲婢使。下爲友臣。上爲沙門梵志。二十商人求財經。先說往古商人入海墮羅刹國。乃至乘天馬時。若稍念男女情愛。即便墮落。次正說比丘若計根塵陰界是我者。必皆被害。二十一世間經。明如來知苦斷集。證滅修道。自覺覺他。從成道至涅槃。所說皆實。二十二福經。明往昔七年行慈福報。勸人修福。二十三息止道經。謂初學比丘。常應念骨相。青相。腐相。食相。骨鎖相。除欲恚病。二十四至邊經。謂欲盡苦。甘行乞食。而復不修沙門法行。如墨浣墨。如血除血。從冥入冥。二十五喻經。謂無量善法。以不放逸爲本。如地。如沈水。栴檀。青蓮。須摩。象迹。師王。乃至如如來等。

○梵志品第十二 一雨勢經。未生怨遣雨勢大臣問佛。跋耆國事。佛爲說彼國行七不衰法。必當得勝。大臣去後。因爲比丘說七種七不衰法。及說六慰勞法。二傷歌羅經。此摩納始謂作齋行。無量福迹。學道行。一福迹。阿難三問而屈服之。佛爲說三輪示現法。摩納歸信。三算數目毘連經。此梵志以堂及算法爲喻。問佛法中次第。佛爲分別說之。次問何緣有得究竟。不得究竟者。佛爲說問路之喻。四瞿默目毘連經。佛涅槃後。阿難往此田作人。所彼問可有比丘與佛等者。適遇雨勢大臣來到。重複問之。阿難答以無有此人。次說有法可依。及有十德可敬。又說訶貪等四伺。讚四禪。伺。雨勢去後。又答

三種解脫。無有勝如。五象迹喻經。異學卑盧。爲生聞梵志。說象迹喻。以讚於佛。生聞見佛。佛爲具足。說此法喻。謂從出家護根除蓋。成四禪證無漏。方爲極大象迹。六聞德經。爲生聞說博聞誦習差別功德。謂從捨家。乃至證滅。七何苦經。答生聞所問。在家出家苦樂之事。及答饒益天人法。觀善惡知識。如黑白月。八何欲經。生聞梵志問。刹利居士。婦人偷劫。梵志沙門。各何欲。何行。何立。何依。何訖。佛一一答之。九鬱瘦歌羅經。此梵志向佛說四種奉事。及四種自有財物。佛展轉破之。謂如強與他肉。而取其直。次正作虛空慈心洗浴。取火等喻。明四姓平等。十阿攝和經。諸梵志自恃其種獨淨。遣阿攝和與佛辯之。佛亦爲說虛空。乃至取火等喻。又說父母驢馬等喻。以屈之。第三念誦起。十一鸚鵡經。佛爲此摩納。分別在家出家事。摩納述梵志所施設五法功德。佛詰以現知現覺義。彼則瞋恚。佛爲說五法障礙。謂欲恚身見戒取疑。及說法從心起。十二鬚閒提經。此異學見佛臥室而起敬。聞佛名而毀訾。見佛說離欲法喻。而出家證果。所謂喻者。癩人炙火。盲著垢衣也。十三婆羅婆堂經。婆私吒及婆羅婆二人。皆梵志種。出家被諸梵志訶責。佛爲說劫初漸立四姓事。及說善惡業報無差別。十四須達多經。爲此居士說施心差別。非關麤妙之物。次較勝田。從凡人四果支佛。如來不若作四方僧房。又不若受歸戒。修慈心。及作無常觀。十五梵波羅延經。佛答今之梵志。久已越梵志法。無復學者。十六黃蘆園經。佛在園中有百二十歲老梵志。來責佛不敬一切。佛言。若如來起迎請坐者。彼人必當頭破七分。梵志又訶佛無味。無怖不入胎。佛言。於五欲無味。無怖。證四禪三明。故不入胎。梵志乃終身自歸。十七頭那經。爲頭那說五種梵志法。一如梵。二如天。三不趣界。四趣界。五旃陀羅。十八阿

伽羅訶經。此梵志問梵志經典。何所依住。佛言。依於人住。展轉問人。稻麥。地。水。風。空。日月。四王。乃至大梵。依忍辱。溫良。忍辱。溫良。又依涅槃。涅槃無依。十九阿蘭那經。諸比丘共論人命極少。宜力行善。佛讚印之。并說昔時阿蘭那梵志出家。說無常法。利益無量。即佛往因也。二十梵摩經。梵志梵摩。先遣摩納。優多羅。觀佛三十二相。及觀威儀。優多羅發心出家。次後梵摩。自來見佛。諦觀諸相。信心歸依。證那含果。

## 卷第二十八

### 小乘經藏之三

○根本分別品第十三 一分別六界經。佛於陶師屋中。爲弗迦羅娑利比丘。說六界聚。六觸處。十八意行。四住處法。二分別六處經。爲比丘說六處六更樂。十八意行。三十六刀。斷彼成就是無量說法。內三意止。調御士趣一切方法。三分別觀法經。佛略說如是觀。心灑散。不住內。不受而恐怖。如是觀。心不灑散。住內。不受不恐怖。說已入室。衆比丘請大迦旃延廣說之。謂根著塵。則心灑散。著四禪八定。則不住內。不離五陰。則恐怖。反是。便不灑散等。四溫泉林天經。天勸三彌提尊者。受持跋地羅帝偈。尊者問佛。佛說偈曰。慎莫念過去。亦勿願未來。過去事已滅。未來復未至。現在所有法。彼亦當爲思。念無有堅強。慧者覺如是。若作聖人行。孰知愁於死。我要不會彼。大苦災患終。如是行精勤。晝夜無懈怠。是



故常當說。跋地羅常偈。說已入室。比丘請大迦旃延廣釋。迦旃延約根塵釋之。五釋中禪室尊經。又一天問盧夷強者尊者偈。并義尊者問佛。佛爲說偈。并約五陰釋義。六阿難說經。阿難以偈及義爲比丘說。佛讚印之。七意行經。佛爲比丘說八定及八天處。二俱等等。及說滅定爲最勝。八拘樓瘦無諍經。佛爲比丘分別諍無諍法。九鸚鵡經。鸚鵡摩納父轉生爲白狗。見佛而吠。佛言。汝不應爾。謂汝從護至吠。狗瞋極臥地。鸚鵡怒而見佛。佛爲說其成驗。再來見佛。佛爲說業報差別之法。十分別大業經。異學與三彌提論三業義。周那與阿難。以此問佛。佛訶其不善分別。次正說三報受時差別。及臨終善惡念不同。雖天眼所見。不宜執一非餘。惟佛知其所以然耳。兼說柰果生熟四料簡。以喻於人。

○心品第十四 一心經。有一比丘問。誰將世間去。誰爲染著。誰起自在。佛言。一切唯心。多聞聖弟子不隨心。而心隨多聞。次又問多聞義。智慧善。點慧廣慧義。佛言。順梵行爲多聞。知四諦爲智慧。能利人爲廣慧。二浮彌經。浮彌爲王子說。梵行得果。或願。或無願。或願無願。或非有願。非無願義。佛爲浮彌說四喻。穀。及乳。抨水。及酪。壓沙。及麻。取火。毋溼。及乾。喻邪梵行。正梵行。得果不得。三受法經。上現在未來。苦樂。四料簡也。婬。欲。現樂。後苦。強制煩惱。現苦。後樂。外道苦行。現苦。後苦。歡喜修行。證三果。現樂後樂。四受法經。下亦四料簡。而約苦樂心。修十善行。十惡論。五行禪經。料簡四種行禪。一熾盛而謂衰退。二衰退而謂熾盛。三知衰退。四知熾盛。八定皆爾。六說經。分別八定中。皆有退住。進及漏盡義。修者應知。七獵師經。以四種鹿羣。喻沙門梵志。三不脫魔境。一能脫之。謂修四禪。四無量。四空。斷漏者。八五支物主經。此物主先詣異學。文祁子處。文祁子立四事爲第一義。謂身不作惡。口不惡言。

不行邪命。不念惡念。物主以此白佛。佛言。此則嬰孩皆第一義。若多聞聖弟子。當知善戒不善戒。善念不善念。何由生。何由滅。知已。具足八正道。乃至正解脫正智。是名第一義質直沙門。九罌曇彌經。大愛道以金縷衣供佛。佛令施比丘衆。三勸不從。佛爲阿難說七施衆。十四私施。皆得大福報。乃料簡施受淨不淨四句。十多界經。阿難作是思惟。一切恐怖及災患等。皆從愚癡生。不從智慧。佛爲廣申明之。次問云。何名愚癡。云。何名智慧。佛言。不知界處。因緣是處非處者。爲愚癡。知者。爲智慧。界者。眼等十八地等六。欲無欲等六。樂苦憂喜捨無明。亦爲六。覺想行識。爲四。欲色無色。三色無色滅。三過現未。三妙不妙。中三善不善無記。三學無學。俱非三漏無漏。二爲無爲。二共名六十二界。處者。十二處。因緣者。十二緣生。是處非處者。若因若果。

○雙品第十五 一馬邑經上。說沙門法。須身行清淨。口行清淨。意行清淨。命行清淨。守護諸根。正知出入。斷除五蓋。成就四禪。趨向漏盡。二馬邑經下。謂應息貪伺。恚伺。乃至邪見。成就四無量心。乃至漏盡。三牛角娑羅林經上。舍利子與阿難等。各說發起此林之法。佛皆讚之。并說不解。跏趺坐。乃至漏盡。是名發起此林。四牛角娑羅林經下。阿那律等三人在此林中。佛往問之。各言安隱。并說上人之法。佛讚歎之。長鬼天等展轉讚歎。乃達梵天。五求解經。佛說求解於如來。正知如來法。第四分別誦訖。六說智經。爲比丘說。與梵行成立人問答法。七阿夷那經。因異學阿夷那。爲比丘略說知法非法。義非義。令學如法如義。諸比丘請阿難廣釋。謂邪見乃至邪智爲非法。因此生不善惡法爲非義。正見等爲法。所生善法爲義。八聖道經。正定爲一道。有習有助。有具共七支。正見最在前。一一釋已。并正

解脫。正智爲十支。約邪。正斷。修成四十大法品。九小空經。從不念人想。不念村想。不念無事想。次第至不住無想心定。十大空經。因衆比丘集加羅差摩精舍。佛爲阿難說遠離法。及說修內空。外空。內外空。不移動法。又說正知法。讚不放逸法。分別煩師。煩弟子。煩梵行法。又誡弟子不恭敬順行者。名於師行。怨事。能恭敬順行者。名於師行。慈事。

○後大品第十六 一迦樓烏陀夷經。烏陀夷念世尊恩深。讚斷過中食。佛印可之。深訶不順此戒。謂爲小事者。如彼癡蠅。二牟梨破羣那經。此比丘與比丘尼數共集會。護過瞋諍。佛呼而誨之。謂以信捨家。應修無欲。如調馬。治林。於時非時等五言道。皆習慈心。悲喜捨心。如大地不可壞。如恆河不可沸。如虛空不可畫。如治皮無瓦聲。乃至應數數念利鋸刀喻。則所遊皆安。堪證學無學道。三跋陀和利經。佛讚歎一坐食法。跋陀和利固辭不堪。夏三月竟。復來見佛。佛種種訶之。爲說出要。又答其苦治不苦治之問。次說清淨馬喻法。四阿濕具經。此比丘與弗那婆修二人。不遵佛戒。過中暮食。佛呼而責之。爲說樂覺。苦覺。修不修義。及說修行不放逸義。五周那經。周那述尼犍諍事於阿難。阿難問佛。佛爲說六諍本七滅法。六慰勞法。六優波離經。問答七滅諍等如法不如法事。七調御地經。王童子不信阿夷那和提所說法。阿夷那和提白佛。佛爲說山下不見園林喻。及說調野象喻。八癡慧地經。說癡慧各三相。謂思說作也。各受現法三苦樂。謂惡名治罰。惡死爲三苦。善名無罪。善死爲三樂。又有地獄天宮苦樂果報。九阿梨吒經。阿梨吒說欲不障道。諸比丘諫而不捨。佛呼而責之。謂比丘於法尙應知如筏喻。况執非法。十嚩帝經。嚩帝執此識往生不更異。諸比丘諫而不捨。佛呼責之。爲比丘細

明十二因緣生滅。

○肺利多品第十七 一持齋經。爲毗舍佉說。放牛。尼毘齋無福。應持聖八支齋。更修五念。念佛如沐首。念法如浴身。念僧如浣衣。念戒如磨鏡。念天如煉金。二肺利多經。爲此居士說八支斷俗事。一離殺。二離盜。三離淫。四離妄。五離貪。六離恚。七離嫉惱。八離增上慢。更有八支。謂欲如骨。如小肉。如手把炬。如火坑。如毒蛇。如夢。如假借。如菓樹。離欲得禪。盡漏作證。居士悟道。三羅摩經。於此梵志家。爲諸比丘說聖求。非聖求。隨說未成道時。先學二定。次坐菩提樹。求得正覺。度五比丘事。四五下分結經。說依道依迹斷結。猶如入林求寶。亦如度河。度山水。五心穢經。說比丘須拔心中五穢。謂疑佛。疑法。疑戒。疑教。疑梵行者。又須解心中五縛。謂身縛。欲縛。說縛。聚會縛。昇進縛。次應修五法。謂四如意足。及堪任。六箭毛經上。此異學說瞿曇有五法。令諸弟子恭敬不離。謂麤衣。麤食。少食。麤臥具。晏坐。佛言不以此五法。更有五法。謂無上戒。無上慧。無上知見。說四諦。宿命漏盡通。七箭毛經下。爲此異學說天眼宿命通事。彼述邪師所說上色。佛展轉以螢火。星月日。天光等破之。及爲說四禪道迹。八鞞摩那修經。亦爲此異學破上色邪見。又爲說置前世後世。但令質直無諂誑。隨教化。必得知正法。如火不益。油柴不益薪。必期於滅。異學悟道出家。九法樂比丘尼經。毗舍佉問。此比丘尼答。聞答已。尼往白佛。佛印可之。十大拘締羅經。舍利弗問。此尊者答。

○例品第十八 一切智經。佛爲波斯匿王說四姓勝如義。阿難與大將論遺退天義。年少與大將互推謬說義。王因多事。讚佛而去。二法莊嚴經。波斯匿信佛種種法。靖而稱述之。王去之後。佛令比丘

受持此說。三鞞訶提經。波斯匿以佛身行問於阿難。阿難具答行不行義。王喜。以衣布施。阿難白佛。佛印可之。四第一得經。佛言一切變。有異法。從人王乃至十一切處。多聞聖弟子。總不欲之。况下賤法。惟應廣布八正道耳。五愛生經。梵志兒死。愁憂見佛。佛言。愛生便生愁苦。梵志不悟。波斯匿王聞之。以告末利夫人。夫人所說同佛。王遣人問佛。佛爲廣說。人還白王。夫人更爲王詳說。王乃信佛自歸。六八城經。阿難爲此居士說十二禪。居士信心。施食及房。七阿那律陀經上。尊者爲諸比丘說。四禪及漏盡。爲賢死賢命終。八阿那律陀經下。又說見質直得聖戒。修念處。四無量。四空定。得漏盡。爲不煩熱死。不煩熱命終。九見經。阿難爲異學說。如來不一向說有常無常等。十箭喻經。鬘童子欲如來一向說世有常等。佛訶責之。爲諸比丘說拔毒箭喻。十一例經。佛說欲斷無明。別知無明。乃至老死者。應修念處。正勤如意。四禪根力。覺道。十一切處。十無學法。第五後誦訖。

佛說七知經 二紙 南積北緣

吳月支國優婆塞支謙譯。

即知法知義等。中阿含善法經同本。

佛說園生樹經 一紙半 南淵北斯。

宋北印土沙門施護譯。

中阿含晝度樹經同本。

佛說鹹水喻經 一紙半 南積北緣。

失譯人名。附西晉錄。

即中阿含七水喻經。

△佛說薩鉢多酥哩踰捺野經三紙餘。南履北臨。

宋中印土沙門法賢譯。

說劫盡七日出時相狀。警人精進。早求解脫。中阿含七日經同本。

佛說一切流攝守因經四紙欠。南積北緣。

後漢安息國沙門安世高譯。

說智者見者得流盡。不智者不見者。流不盡。及說七種斷流。中阿含漏盡經同本。

佛說四諦經七紙半。南積北善。

後漢安息國沙門安世高譯。

中阿含分別聖諦經同本。

佛說恆水經三紙欠。南積北善。

西晉沙門釋法炬譯。

中阿含瞻波經同本。

佛說本相倚致經二紙欠。南積北善。

後漢安息國沙門安世高譯。

佛說緣本致經一紙餘。南福。北善。

失譯人名。附東晉錄。

二經皆即中阿含本際經。

佛說輪王七寶經三紙半。南淵。北斯。

宋北印土沙門施護譯。

中阿含七寶經同本。

佛說頂生王故事經五紙欠。南福。北善。

西晉沙門釋法炬譯。

佛說文竭陀王經三紙欠。南福。北善。

北涼中天竺沙門曇無讖譯。

二經皆即中阿含四洲經同本。

佛說頻婆娑羅王經五紙。南興。北臨。

宋中印土沙門法賢譯。

王來見佛。及佛令優樓頻螺迦葉釋衆疑事。即中阿含頻婆娑羅王迎佛經。

佛說鐵城泥犁經四紙餘。南福。北緣。

東晉西域沙門竺曇無蘭譯。

說五使并地獄苦狀。

△佛說閻羅王五大使者經二紙餘。南福。北緣。

劉宋沙門釋慧簡譯。

二經皆即中阿含天使經。

佛說古來世時經四紙餘。南福。北緣。

失譯人名。附東晉錄。

阿那律說往昔施支佛飯福報。佛讚歎之。并爲比丘說未來輪王及彌勒事。以衣施彌勒。令轉施衆僧。即中阿含說本經。

△大正句王經上下合卷。華興。北深。

宋中印土沙門法賢譯。

即中阿含蟬肆王經。

佛說阿那律八念經三紙餘。南福。北緣。

後漢西域沙門支曜譯。

即中阿含八念經。

佛說離睡經二紙餘。南福。北緣。

西首月支國沙門竺法護譯。



佛爲目連說離睡法。即中阿含長老上尊睡眠經。

佛說是法非法經二紙半。南福北緣。

後漢安息國沙門安世高譯。

說恃善生慢爲非法。不慢爲是法。即中阿含真人經。

佛說求欲經九紙餘。南福北緣。

西晉沙門釋法炬譯。

即中阿含穢經。

佛說受歲經三紙餘。南福北緣。

西晉月支國沙門竺法護譯。

即中阿含比丘請經。

佛說梵志計水淨經一紙半。南福北緣。

失譯人名。附東晉錄。

即中阿含水淨梵志經。

◎佛說大生義經六紙半。南清北薄。

宋北印土沙門施護譯。

阿難思念緣生法義甚深。問佛。佛爲廣說逆從老死。推至識支。即中阿含大因經。

佛說苦陰經四紙餘。南福。北緣。

失譯人名。在後漢錄。

即中阿含苦陰經上。

佛說苦陰因事經四紙半。南福。北緣。

西晉沙門釋法炬譯。

即中阿含苦陰經下。

佛說釋摩男本經三紙餘。南福。北緣。

吳月支國優婆塞支謙譯。

亦即苦陰經下。

佛說樂想經一紙欠。南福。北緣。

西晉月支國沙門竺法護譯。

說外道計一切爲樂。佛不計不樂。即中阿含想經。

佛說漏分布經五紙餘。南福。北緣。

後漢安息國沙門安世高譯。

說五陰苦集。乃至八正道法。即中阿含達梵行經。

佛說阿耨颯經五紙。南福。北緣。

東晉西域沙門竺曇無蘭譯。

說提婆達斷善根墮地獄。及說如來大人根相。謂善知諸根。即中阿含阿奴波經。

佛說諸法本經一紙欠。南福北緣。

吳月支國優婆塞支謙譯。

說欲爲諸法本。即中阿含諸法本經。

佛說瞿曇彌記果經六紙欠。南福北緣。

劉宋沙門釋慧簡譯。

即中阿含瞿曇彌經。

佛說瞻婆比丘經二紙半餘。南福北善。

西晉沙門釋法炬譯。

即中阿含大品瞻婆經。

佛說伏姪經二紙餘。南福北緣。

西晉沙門釋法炬譯。

即中阿含大品行欲經。爲阿那邪祇居士。分別求財。及受用勝劣不同。非法求財。蕩然無禮之謂姪。

佛說魔嬈亂經七紙欠。南福北緣。

失譯人名。附後漢錄。

佛說弊魔試目連經五紙欠。南福。北緣。

吳月支國優婆塞支謙譯。

二經皆即中阿含降魔經。

佛說賴吒和羅經九紙餘。南福。北善。

吳月支國優婆塞支謙譯。

即中阿含賴吒和羅經。

△佛說護國經半卷。南溫。北薄。

宋中印土沙門法賢譯。

佛從俱盧城。至觀盧聚落。護國長者子。願樂出家。父母不許。絕食苦求。既出家已。十夏依佛。乃還本處。住樹下。爲俱盧大王說法。令歸依三寶。亦即賴吒和羅經。

○佛說帝釋所問經十一紙餘。南溫。北深。

宋中印土沙門釋法賢譯。

即中阿含釋問經。

佛說善生子經六紙半。南福。北善。

西晉沙門支法度譯。

即中阿含長阿含善生經。

佛說數經四紙餘。南福。北善。

西晉沙門釋法炬譯。

即中阿含算數目連經。

佛說梵志類波羅延問種尊經六紙。南福。北善。

東晉西域沙門竺曇無蘭譯。

即中阿含阿攝和經。

佛說須達經三紙欠。南緣。北善。

蕭齊中天竺沙門求那毗地譯。

即中阿含須達多經。

△佛說長者施報經六紙餘。南臨。北盡。

宋中印土沙門法天譯。

佛爲給孤獨說過去長者明彌羅摩行大施會。因展轉較量功德。不如歸戒慈心。亦即須達多經。

○三歸五戒慈心厭離功德經一紙欠。南緣。北善。

附東晉錄。

亦即須達多經少分。

佛爲黃竹園老婆羅門說學經三紙餘。南緣。北善。

失譯人名今附宋錄。

即中阿含黃蘆園經。

佛說梵摩喻經八紙欠。南緣北善。

吳月支國優婆塞支謙譯。

即中阿含梵摩經。

佛說尊上經三紙欠。南緣北善。

西晉月支國沙門竺法護譯。

即中阿含釋中禪室尊經。

佛說兜調經三紙餘。南緣北善。

失譯人名附西晉錄。

佛說鸚鵡經八紙欠。南緣北善。

劉宋中天竺沙門求那跋陀羅譯。

◎分別善惡報應經上下合卷。南力北竭。

宋中印十沙門天息災譯。

三經皆即中阿含鸚鵡經。

佛說意經二紙餘。南緣北善。

西晉月支國沙門竺法護譯。

即中阿舍心經。

佛說應法經三紙餘。南緣北善。

西晉月支國沙門竺法護譯。

即中阿舍受法經下。

◎佛說分別布施經三紙欠。南清北薄。

宋北印土沙門施護譯。

即中阿舍瞿曇彌經。

佛說息諍因緣經半卷。南斯北夙。

宋北印土沙門施護譯。

即中阿舍周那經。

佛說泥犁經十一紙欠。南福北緣。

東晉西域沙門竺曇無蘭譯。

說惡人墮泥犁之苦。亦說五天使者問辭。即中阿舍癡慧地經。

◎佛說齋經四紙。南福北緣。

吳月支國優婆塞支謙譯。

即中阿含持齋經。

佛說優婆夷墮舍迦經三紙欠。南翻北錄。

附宋錄。

亦即上經而五念法稍異。

八關齋經一紙餘。敬

劉宋居士沮渠京聲譯。

說前五戒皆盡壽。第六齋去。乃一日一夜。與前經大同小異。但無五念法門。

佛說八種長養功德經一紙。南聲北清。

宋中印土沙門法護譯。

略明發心受齋戒法。疑附齋法中行。

佛說鞞摩肅經四紙半。緣

劉宋中天竺沙門求那跋陀羅譯。

即中阿含鞞摩那修經。

佛說婆羅門子命終愛念不離經三紙餘。緣

後漢安息國沙門安世高譯。

即阿含愛生經。



佛說十支居士八城人經二紙餘。緣

即中阿含八城經。

佛說邪見經一紙。緣

失譯人名。今附宋錄。

即中阿含見經。

佛說箭喻經二紙餘。緣

附東晉錄。失譯人名。

即中阿含箭喻經。

## 卷第二十九

### 小乘經藏之四

佛說長阿含經二十二卷。前有僧肇序。南克念。北習聽。

姚秦罽賓國沙門佛陀耶舍共竺佛念譯。

○第一分初大本緣經第一。說七佛事。遊行經第二。因阿闍世王問伐隣國事。廣爲比丘說七法六法。乃至歷叙入涅槃分舍利事。典尊經第三。般遮翌子。述梵童爲忉利天說過去大典尊臣事。以之間。

佛。佛爲說究竟梵行法。闍尼沙經第四。此云勝結使。乃摩竭國王。命終生四王天。爲毗沙門作子。述梵童爲諸天所說法。佛即以之酬阿難請。

○第二分四姓經第一。爲二出家婆羅門。說四姓平等。作惡墮落。作善超昇。見諦證道。轉輪聖王修行經第二。誡勅比丘當自熾然。當自歸依。謂修四念處觀。并說古先聖王治世。末後出家。至第七王。不如法治。漸生惡法。致成滅劫。刀兵劫後。漸次修善。倍倍壽增。至八萬歲時。慈氏出世。是故比丘當修善法。則壽命延長。謂四神足。顏色增益。謂具戒品。安隱快樂。謂成四禪。財寶豐饒。謂行四等。威力具足。謂見四諦。力能降魔。弊宿經第三。童女迦葉。爲弊宿婆羅門種種說法。破其斷見。皈依設會。死得生天。散陀那經第四。此居士往梵志尼俱陀處。梵志毀佛。佛至其處。爲說苦行淨不淨法。折伏梵志。衆集經第五。佛勅舍利弗說法。因說種種增一之法。十上經第六。佛勅舍利弗說法。因說十上法。謂多成法。修法。覺法。滅法。退法。增法。難解法。生法。知法。證法。各各增一至十。共五百五十法。增一經第七。佛爲比丘說多成法。修法。覺法。滅法。證法。皆增一至十。三聚經第八。佛爲比丘說三法聚。謂趨惡趣。趨善趣。趨涅槃法。各增一至十。大緣方便經第九。爲阿難廣說十二因緣甚深義。釋提桓因問經第十。爲帝釋說因調有想。因想有欲。有愛憎。有貪嫉。乃至共相傷害。阿菟夷經第十一。爲房伽婆梵志說善宿比丘事。及說破世見事。善生經第十二。爲善生長者子說離四惡行。禮敬六方法。清淨經第十三。因周那沙彌。述外道徒衆鬪諍事。佛爲說無諍正法。自歡喜經第十四。舍利弗向佛師子吼。稱說如來難及之法。大會經第十五。諸天集會。佛爲結呪。

第三分阿摩晝經第一。佛伽羅婆羅遣其弟子阿摩晝觀佛相好。阿摩晝輕慢釋種。佛出其種姓之因。并爲說妙法。如大小持戒。慧度所明。次令得見相好。還白厥師。師來見佛。觀相設供。爲阿摩晝悔過。除白癩病。自復悟道。生不還天。梵動經第二。佛誡比丘。於毀三寶者。不得懷忿。於稱讚者。亦勿歡喜。凡夫寡聞。直讚小緣。威儀戒行。唯賢聖弟子。能以甚微妙大法。光明讚佛。謂佛善知六十二見本末。因緣。知已不著。而得解脫。種德經第三。種德婆羅門見佛。佛問以婆羅門法。於五法中。以次揀去。生誦端正。惟持戒智慧。缺一不可。佛讚印之。并爲說比丘戒慧。彼即受三歸五戒。究羅檀頭經第四。佛爲此婆羅門說大祀法。及說歸戒慈心出家功德。此婆羅門即放牛羊等物。受歸戒。供佛證果。生不還天。堅固經第五。堅固長者子。三請佛勅弟子現神足。佛言。我但教弟子於空閒處。靜默思道。獲德露過。以現神足。能起謗故。偈形梵志經第六。爲此梵志說苦行亦有善惡二趣。不皆訶責。但非出要。惟如來大師子吼。能令人出家成道。此梵志即出家證果。三明經第七。爲二梵志弟子。破三明所說梵道虛妄。及爲正說梵道。沙門果經第八。爲阿闍世說沙門現在得果。并受其懺。布陀婆樓經第九。破梵志相違論。爲說有因緣想生。有因緣想滅。露遮經第十。此婆羅門見佛。請佛尋起惡見。謂不應爲人說法。佛受供時破之。

第四分世記經第十一 閻浮提洲品第一 鬱單越品第二 轉輪聖王品第三 地獄品第四  
龍鳥品第五 阿須倫品第六 四天王品第七 忉利天品第八 三災品第九 戰鬪品第十  
三中劫品第十一 世本緣品第十二

△佛說七佛經一卷。南深。北命。

宋中印土沙門法天譯。

佛在祇園。爲比丘說七佛氏族名字。及大弟子等。又廣說毗婆尸佛降生瑞應。長阿含初大本緣經前分同本。

△毗婆尸佛經上下合卷。南臨。北盡。

宋中印土沙門法天譯。

佛爲苾芻說過去毗婆尸佛。遊觀四門。出家轉法輪事。長阿含初大本緣經後分同本。

佛般泥洹經二卷。南禍。北福。

西晉河內沙門白法祖譯。

因阿闍世王遣雨舍大臣。問伐越祇國事。佛爲說七不衰法。大臣去後。爲比丘說七七之法。次說四痛八戒之法。乃至受奈女供。展轉遊行。至雙樹間入滅。焚身起塔。結集經典。

大般涅槃經三卷。南禍。北駒。

東晉平陽沙門釋法顯譯。

佛三語阿難。設得四神足者。欲住壽一劫。皆得隨意。阿難不解。勸請。魔來請佛涅槃。佛遂許之。周歷諸處。詔告四衆。於雙樹間入滅。荼毗。二經皆長阿含遊行經同本。

佛說方等泥洹經二卷。南禍。北駒。

附東首錄。

與前經大同小異。

佛說大堅固婆羅門緣起經上下同卷。南淵、北斯。

宋北印土沙門施護譯。

長阿含典尊經同本。

佛說人仙經六紙半餘。南興、北臨。

宋中印土沙門法賢譯。

頻婆娑羅王命終作毗沙門天王太子。名曰人仙。來流忉利天。梵王說法事。長阿含闍尼沙經同本。

佛說白衣金幢二婆羅門緣起經上中下合卷。南馨、北夙。

宋北印土沙門施護譯。

二婆羅門近佛而恆見佛問法。佛爲說世界四姓起因。即出家證果。長阿含初四姓經同本。

佛說尼拘陀梵志經上下合卷。南馨、北夙。

宋北印土沙門施護譯。

和合長者至拘尼陀梵志所。彼方止其世論。長者問之。反言瞿曇慧何能轉。佛往問之。彼則默不能

答。長阿含散陀那經同本。

△佛說大集法門經二卷。南斯、北薄。

宋北印土沙門施護譯。

佛遊末利城。有末利優婆塞。新造一舍。請佛及僧安止。佛示安臥。舍利子說增一至十法。長阿含衆集經同本。

長阿含十報法經二卷。今作一卷。南聽北因。

後漢安息國沙門安世高譯。

即十上經。五百五十法。

佛說人本欲生經一卷。南禡北福。

長阿含大緣方便經同本。

佛說尸迦羅越六方禮經五紙。南禡北福。

後漢安息國沙門安世高譯。

長阿含善生經同本。

△佛說信佛功德經八紙。南興北深。

宋中印土沙門法賢譯。

佛在菴羅園中。舍利弗歎佛種種最勝功德。長阿含自歡喜經同本。

△佛說大三摩惹經四紙半。南臨北盡。

宋中印土沙門法天譯。

佛在迦毗羅林。四梵王各以頌讚。大衆雲集。有大黑神祖蹲那作惡。佛說聲聞法調伏之。長阿含大會經同本。

佛說梵志阿颺經一卷。南禍。北善。

吳月支國優婆塞支謙譯。

長阿含阿摩晝經同本。

佛說梵網六十二見經一卷。南禍。北福。

吳月支國優婆塞支謙譯。

長阿含梵動經同本。

佛說寂志果經一卷。南禍。北善。

東晉西域沙門竺曇無蘭譯。

長阿含沙門果經同本。

佛說樓炭經六卷。南積。北福。

西晉沙門釋法炬共法立譯。

即長阿含世記經。品稍不同。文亦簡拙。

○起世經十卷。南因。北積。

隋北天竺沙門闍那崛多譯。

亦即世記經。而品次稍異。文義俱暢。

△起世因本經十卷。惡

隋北天竺沙門達摩笈多等譯。

與上經同。

雜阿含經五十卷。谷傳聲虛堂。

宋天竺三藏求那跋陀羅譯。

第一品不出名。然多就五陰廣破愛見。誦六入處品第二。皆就內六入外六塵及六識六觸六受六想六思六愛等廣明無常苦空。破於愛見。雜因誦品第三。弟子所說誦品第四。第五誦道品第一。一品名多缺略。

大約有小半與中阿含增一阿含相同。而文順暢。

△別譯雜阿含經二十卷。今作十六卷。南習聽北禍因。

附秦錄。

雜阿含經一卷。南聽北因。

附吳魏二錄。

右二經皆於大部中撮要譯出別行。

佛說七處三觀經上下全卷。南緣北慶。



後漢安息國沙門安世高譯。

出雜阿含第二卷及三十四卷。

五蘊皆空經半紙餘。南緣北善。

唐大薦福寺沙門義淨譯。

初爲五比丘說苦空無常義。亦出雜阿含第二卷。

○佛說聖法印經一紙餘。南緣北慶。

西晉月支國沙門竺法護譯。

說空無欲無我無常清淨之業。出雜阿含第三卷。

△佛說法印經一紙餘。南清北薄。

宋北印土沙門施護譯。

說三解脱門爲聖法印。出雜阿含第三卷。

△五陰譬喻經二紙欠。南善北慶。

後漢安息國沙門安世高譯。

沫泡。燄。蕉。幻。五喻也。出雜阿含第十卷。

佛說水沫所漂經二紙欠。南善北慶。

東晉西域沙門竺曇無蘭譯。

與上經同。

佛說不自守意經 一紙欠。南善、北慶。

吳月支國優婆塞支謙譯。

說自守不自守法。出雜阿含第十一卷。

△佛說滿願子經 二紙欠。南善、北慶。

附東晉錄。

請略說法而往化惡國。出雜阿含第十三卷。

轉法輪經 一紙半。南善、北慶。

後漢安息國沙門安世高譯。

於鹿野樹下。手撫飛輪。三轉四諦行法。

佛說三轉法輪經 二紙欠。南善、北慶。

唐大薦福寺沙門釋義淨譯。

即最初爲五比丘說法。二經出雜阿含第十五卷。

佛說八正道經 一紙半。南善、北慶。

後漢安息國沙門安世高譯。

出雜阿含第二十八卷。

難提釋經三紙半。南善。北慶。

西晉沙門釋法炬譯。

爲此釋說五法六念。出雜阿含第三十卷。

佛說馬有三相經一紙欠。南善。北慶。

後漢西域沙門支曜譯。

說官馬三善相。

佛說馬有八態譬人經一紙。南善。北慶。

後漢西域沙門支曜譯。

說惡馬八態。喻惡比丘。二經出雜阿含第三十三卷。

佛說戒德香經一紙餘。南福。北緣。

東晉西域沙門竺曇無蘭譯。

說戒香順逆普聞。勝世間諸香。出雜阿含三十八卷。

○佛說戒香經一紙。南興。北深。

宋中印土沙門法賢譯。

與上經同。

佛說相應相可經一紙欠。南善。北慶。

西晉沙門釋法炬譯。

說善惡人各以類相聚。出單卷雜阿含中。

本事經七卷。南與北孝。

唐大慈恩寺沙門釋玄奘譯。

一法品第一 無明蓋 貪愛結 一劫身骨 心意染汗 墮惡趣 心意清淨 昇善趣 皆由自業

意為前導善惡 破僧 僧和 一結斷時餘亦斷 所謂我慢 不放逸 捨貪 捨欲 捨瞋 捨恚 捨

癡 捨覆 捨惱 捨忿 捨恨 捨嫉 捨慳 捨嗜 捨慢 捨害 念佛 念法 念衆 念戒 念施 念天 念休息 念安般 念

身 念死 知貪 知瞋 知癡 知覆 知惱 知忿 知恨 知嫉 知慳 知耽 知慢 知害 知一切 修慈 外強緣無

如善知識 內強緣無如正作意 惠施果報 犯戒報 持戒報 妄語無慚愧 有慚愧 最勝有

情八 邪見過 正見益 心速疾迴轉

二法品第二 根門不守護 飲食不知量 守護根門 飲食知量 惟作罪 不修福 惟修福 不作罪

樂苦二速行 二遲行 惡戒 惡見 善戒 善見 作不作 各二 法智 類智 世間智 出世智

不真出家 真出家 三番 於惡應了 知應厭背 不淨斷貪 慈悲斷瞋 有餘涅槃 無餘涅槃 有見

無有見 二纏 隨證有餘 或不還果 二番 有慚 有愧 靜慮聽法 聖尋求 非聖尋求 慚愧 不

害 尋思 永斷尋思 力法 二輪 奢摩他 毗鉢舍那 慧 及解脫 無明 慧明 為惡善上首 斷無明

愛 轉於法輪 剃髮 乞求 二苦 二有情墮地獄 一破戒 二謗他 父母恩難報 業智無欺誑 父

母應供養。財施。法施。財祠祀。法祠祀。法言。宴默。言說。宴默。各有善惡。思擇力。修習力。業。壽相隨。短壽。長壽行。所緣行相。作意行相。生死相乖無間。不調伏死。調伏死。雜染法。清淨法。有見。無有見。互爲怨害。世間正見。出世正見。

三法品第三 劣勝解妙勝解有情三世各相親近。三因三緣。能感後有。無明。愛。業。貪欲。耽著。受用。不見過患。三因緣。生多過患。三欲天。不出生死。三似驢鳴。增上三學。四番。調善戒法。慧。無學戒。定慧。三種樂事。應持淨戒。三種香。不如戒香。等子。勝子。劣子。應修三善根。四念處等。三尋思。能令退失。一親里。二利養。三妒勝。又一事業。二談話。三睡眠。淨信。施物。福田。三法和合。現前。生無量福。三不堅。易三堅。身命財。三無漏根。三有情應親近。一劣。三學。二等。三勝。身不淨。觀息。隨念。行。無常。苦。無我。老病死。三怨賊。施戒修。三福業。佛法僧。最勝。三大師。一佛。二無學。三有學。三時諸天集會歡喜。一發心出家。二如法持戒。三依法證果。三事天勝於人。長壽。端嚴。快樂。然亦無常。

佛本行集經六十卷。南父事君曰殿。北父事君曰殿與。

隋北天竺沙門闍那崛多譯。

- 發心供養品第一
- 受決定記品第二
- 賢劫王種品第三
- 託兜率品第四
- 俯降王宮品第五
- 樹下誕生品第六
- 從園還城品第七
- 相師占看品第八
- 私陀問瑞品第九
- 姨母養育品第十
- 習學技藝品第十一
- 遊戲觀矚品第十二
- 換術爭婚品第十三
- 常飾納妃品第十四
- 空聲

勸厭品第十五 出逢老人品第十六 淨飯王夢品第十七 見病人品第十八 路逢死屍品第十九 耶輸陀羅夢品第二十 捨宮出家品第二十一 剃髮染衣品第二十二 車匿等還品第二十三 觀諸異道品第二十四 王使往還品第二十五 問阿羅邏品第二十六 答羅摩子品第二十七 勸受世利品第二十八 精進苦行品第二十九 向菩提樹品第三十 魔怖菩薩品第三十一 菩薩降魔品第三十二 成無上道品第三十三 昔與魔競品第三十四 二商奉食品第三十五 梵天勸請品第三十六 轉妙法輪品第三十七 耶輸陀因緣品第三十八 耶輸陀即耶舍此云上傘 耶輸陀宿緣品第三十九 富樓那出家品第四十 即富樓那彌多羅尼子此云滿慈子亦云滿願子 那羅陀出家品第四十一 即迦旃延也 娑毗耶出家品第四十二 教化兵將品第四十三 先明三歸得戒 次化提婆大婆羅門夫婦證初果 迦葉三兄弟品第四十四 優波斯那品第四十五 即三迦葉波之甥 亦有二百五十人 同出家證果 布施竹園品第四十六 大迦葉因緣品第四十七 跋陀羅夫婦因緣品第四十八 即紫金光比丘尼也 舍利目連因緣品第四十九 五百比丘因緣品第五十 斷不信人行品第五十一 說法儀式品第五十二 尸棄佛本生地品第五十三 優陀夷品第五十四 優波離品第五十五 羅睺羅因緣品第五十六 難陀出家因緣品第五十七 婆提唎迦等因緣品第五十八 摩尼婁陀品第五十九 阿難因緣品第六十

摩訶僧祇師名爲大事。薩婆多師名此經爲大莊嚴。迦葉維師名爲佛往因緣。曇無德師名爲釋迦牟

尼佛本行。尼沙塞師。名爲毗尼藏根本。

○佛說諸佛經三紙。南履。北臨。

宋北印土沙門施護譯。

佛本行集經初品同本。

過去現在因果經四卷。南慶。北尺。

劉宋中天竺沙門求那跋陀羅譯。

說佛於過去普光佛所得授記已。生生行菩薩道。乃至生兜率。示入胎。出胎。出家。降魔。成道。轉法輪。度五比丘。三迦葉。舍利弗。目犍連。大迦葉等事。一一結示往因。中有與仙人論破冥諦非想事。修行本起經二卷。南善。北尺。

後漢西域沙門竺大力共康孟詳譯。

過去現在因果經同本。

太子瑞應本起經二卷。南慶。北尺。

吳月支國優婆塞支謙譯。

異出菩薩本起經十一紙。維

西晉清信士聶道真譯。

二經並同上。

中本起經二卷。次名四部僧始起出長阿含。南積北緣。

後漢西域沙門曇果共康孟詳譯。

轉法輪品第一 現變品第二 化迦葉品第三 度萍沙王品第四 舍利弗大目連來學品第五  
還本國品第六 須達品第七 本起該容齋品第八 瞿曇彌來作比丘尼品第九 無常品第十  
自愛品第十一 大迦葉始來學品第十二 度奈女品第十三 尼毘問疑品第十四 佛食  
馬麥品第十五 略敘如來行跡文筆古雅。

佛說初分說經上下合卷。南譬北夙。

宋北印土沙門施護譯。

即是度三迦葉及舍利弗目連事。與他經大同小異。

佛說興起行經三卷。北作二卷。一名嚴威宿緣經。南與北當。

後漢康居國沙門康孟詳譯。

佛在阿耨達池爲舍利弗說夙緣十品。孫陀利 奢彌跋 頭痛 骨節煩疼 背痛 木槍刺脚

地婆達兜擲石 婆羅門女旃沙謗 食馬麥 苦行

佛說衆許摩訶帝經十三卷。南作九卷。北作七卷。南深北命。

宋中印土沙門法賢譯。

佛在迦毗羅國釋衆欲聞過去種族之事。佛勅目連說之。次敘摩耶及摩賀摩耶生緣。次敘降神因緣。



阿私陀占相因緣。童子時學書學射等緣。耶輸陀羅等三夫人緣。出家因緣。成道因緣。初受商主布薩。婆梨迦食石鉢因緣。度五比丘因緣。度耶舍因緣。度彼四友因緣。度五十人因緣。度六十賢衆作優婆塞因緣。度難那及長女作近事因緣。度三迦葉波因緣。受民彌婆囉王請因緣。給孤長者請佛因緣。舍利弗議論降伏外道因緣。立祇園名因緣。化迦羅城因緣。烏波梨出家爲上座衆釋禮足。并說其往昔因緣。

佛垂般涅槃略說教誡經五紙餘。亦名佛遺教經。南行北食。

姚秦天竺沙門鳩摩羅什譯。

囑諸比丘。以戒爲師。離諸惡法。對治諸苦。及諸煩惱。勤修出世大人功德。所謂無求知足。遠離精進。不忘禪定智慧。及不戲論。蓋是最後丁寧。不啻一字一血。宜深玩而力行之。

佛臨涅槃記法住經四紙欠。南賢北食。

唐大慈恩寺沙門釋玄奘譯。

說從初百年。乃至第十百年事。

佛說當來變經二紙。南賢北景。

西晉月支國沙門竺法護譯。

說當來壞法事。增一至五。并示修持要法。

佛說法滅盡經二紙欠。南賢北景。

僧祐附劉宋錄。

佛在拘夷那竭國。當般涅槃。默無所說。光明不現。阿難三問。佛爲說末世衆魔比丘不如法事。乃至袈裟變白。

般涅槃後灌臘經一紙餘。南賢北食。

西晉月支國沙門竺法護譯。

預問四月八日七月十五日浴佛陳供之法。佛誠不得口許而負其物。此物衆僧應分。或施貧窮孤老。佛滅度後棺斂葬送經二紙半。南當北食。

附西晉錄。

阿難請問茶毗之法。佛言。應如轉輪聖王。又懸記千年後鉢顯神變事。

迦葉赴佛般涅槃經二紙欠。南宜北旣。

東晉西域沙門竺曇無蘭譯。

迦葉趨赴涅槃悲哀說偈。

佛入涅槃密跡金剛力士哀戀經五紙餘。南宜北旣。

失譯人名。

力士哀戀帝釋慰止。

## 卷第三十

### 小乘經藏之五

正法念處經 七十卷 非實寸陰是競資

元魏中天竺婆羅門瞿曇般若流支譯。

十善業道品第一。因外道說佛法與彼無別。新學比丘不能答。告舍利弗。舍利弗令問佛。佛爲具說十不善果報差別。及說十善世出世界。生死品第二。說比丘應觀察生死過患。次第修十地行等。地獄品第三。說十惡因。感得種種地獄苦報差別。善能觀察。乃至得十三地。餓鬼品第四。說三十六種餓鬼因果差別。觀察得十五地。畜生品第五。說畜生品類差別最多。及說脩羅與天鬪戰事。觀察得十七地。觀天品第六。觀察四王及三十三天。得十八地。又觀夜摩天有三十二處。隨業受果。樂盡苦生。有夜摩天王及鵝王孔雀王諸天鳥等。說種種訶放逸法。身念處品第七。說內身觀四大調與不調。戶蟲行業諸風作用等。作外身觀四洲衆生苦樂因果。生死不斷。觀已厭離。

妙法聖念處經 八卷 今作四卷 忠

宋中印土沙門法天譯。

說十善法及厭離行等。訶酒過失及十惡等。讚歎護戒。及說天上諸偈。大意與正法念處經同。

佛說生經 五卷 璧

西晉月支國沙門竺法護譯。

一那賴經。說佛昔爲仙人。名那賴。此云無樂。說法令方迹王斷愛。今復說法斷比丘欲想。令證果。二分衛比丘經。說此比丘昔爲鼈時。亦曾係意獼猴。而不遂所願。三和難經。說和難釋子。輒度人。昔時亦曾受博掩子所欺。四邪業自活經。亦說和難釋子往事。五是我所經。說慳鄙長者。曾爲鳥。名我所。六野雞經。說野貓。巧誘野雞。因緣。貓即旃遮比丘。雞即佛是。七前世諍女經。說調達最初結怨之由。八墮珠著海中經。說佛昔時。抒海事。九旃闍摩暴志。誘佛經。說尼誘佛。夙緣。十鼈獼猴經。亦說暴志。昔爲鼈婦。調達爲鼈。佛爲獼猴。十一五仙人經。說一仙人。侍四仙人。事四仙人。即前後四佛。梵志。即調達。十二舅甥經。亦佛及舍利弗。調達往事。十三閒居經。爲梵志。說出家閒居。行四舍利弗。般涅槃經。說尊者。雖入滅。五分法身不滅。人宜自求歸依。處於法地。歸命於法。不處他地。不歸餘人。十五子命過經。爲喪子。墮憂者。說法。令悟無常。十六比丘各言志經。與中阿含牛角娑羅林經上同。十七迦旃延說無常經。十八和利長者問事經。佛問長者。四大諸法。長者一一能答。十九心總持經。說大乘。法而有呪。二十護諸比丘呪經。二十一吉祥呪經。二十二總持經。大似華嚴經中。略出少許。二十三所欣釋經。說所欣釋。今昔麤獮事。二十四國王五人經。說舍利弗。阿那律。阿難。輸輪。及佛。往因。與今事同。二十五蠶狐鳥經。說調達。與拘迦利。昔爲狐鳥。互相謬歎。今亦復然。二十六比丘疾病經。即佛躬看病比丘事。二十七審裸形子經。外道遣人。覓佛短。反受佛化。得見道迹。因說夙事。二十八腹使經。阿難勸匿王。於饑世。供佛及僧。佛說其往因。曾以腹使之語。利

益衆人。二十九弟子命過經。有弟子命過生天。見佛得道。其師憶之。佛爲安慰說法。并說昔時仙人愛小象緣。三十水牛經。說昔時水牛王忍獼猴辱。而梵志殺此獼猴。今外道亦然。三十一兔王經。說兔王捨身奉仙人。仙人即錠光佛。兔王即釋迦也。三十二無懼經。說昔人行道。死時無懼。得生內院。三十三五百幼童經。童子行善遇水厄。生內院。三十四毒草經。說大林毒草喻。警人勤去三毒。三十五鼈喻經。喻三界無安。三十六菩薩曾爲鼈王經。說鼈王忍苦。不害商人事。三十七毒喻經。說子息不肯行毒。以爲喻。喻人不宜行毒。宜去三毒。行六度等行。三十八誨子經。說母善誨子事。歎後世子。有從不從。三十九負爲牛者經。說佛救牛因緣。四十光華梵志經。說維衛佛時。梵志。即是今佛。衆眷屬。即今衆會。四十一變悔喻經。居士出家。後又變悔。樹神現尼身。以覺悟之。乃得證道。四十二馬喻經。馬能調良。則受快樂。佛調衆生。亦復如是。四十三比丘尼現變經。二尼現變化度惡人。四十四孤獨經。說昔時孤獨人。能作福。有子反受其累。以喻迷心。而生五陰六衰之患。四十五梵志經。佛爲梵志一家說法。令各得益。因說昔事亦爾。四十六君臣經。說調達昔爲大猶王。佛爲密善財大臣。四十七拘薩國烏王經。說四將昔爲四烏事。四十八蜜具經。授梵志施蜜者緣。覺記。并說其往因。四十九雜讚經。有比丘尼子出家。不順道法。母誨不從。父勅不順。後遇大苦。佛因說其曾爲烏時。亦遭此苦。五十草驢馳經。比丘妄授客比丘籌。後取衣鉢辱主。乃去。佛說草驢馳。梵志往因。五十一孔雀經。說往時孔雀。令烏無光。今佛令外道失彩。五十二仙人撥劫經。即往古仙人觸女失通事。五十三清信士阿夷扇持父子經。父不喜其子。子他出後。方思之。喚不肯歸。佛因說

昔時獼猴師事。五十四夫婦經。夫不喜其妻。妻出家證果。後方喚之。佛因說其夙緣。五十五譬喻經。一說昔時比丘化油供佛緣。比丘即然燈佛。老母施油者。即釋迦佛也。二說大魚救荒結緣事。三說首達謗。惟先墮獄事。首達即釋迦。惟先即阿彌陀佛。四說梵志儒童爭座成怨事。梵志即調達。儒童即釋迦。梵志發惡願已。大修功德。乃得世世與佛相值。五說驢隨馬。則與馬相似。隨驢則仍似驢。誠人宜隨善知識。六說盜天像金頭。稱南無佛。即得取去。人方知天不如佛。七說狗伏牀下聽經。得爲比丘尼證果。八說貧人乞得天帝瓶。墮地破之。便無所堪。喻人初聞佛法。能行精進。所願必得。後小懈怠。忘失經戒。譬如瓶破也。

雜有大乘法。

佛說義足經二卷。璧

吳月支國優婆塞支謙譯。

桀貪第一。優填王第二。須陀利第三。殺女謗佛事。摩竭梵第四。鏡面王第五。盲人摸象喻。老少俱死第六。彌勒難第七。勇辭梵志第八。摩因提女第九。異學掄飛第十。猛觀梵志第十一。法觀梵志第十二。兜勒梵志第十三。蓮華色比丘尼第十四。佛從忉利天來事。子父共會第十五。佛與父王相見。令證果事。惟樓勒太子第十六。即瑠璃王害釋種事。十六經各有義足偈。故總名義足經。而譯文甚爲難曉。

佛說大安般守意經二卷。有康僧會序。敬

後漢安息國沙門安世高譯。

佛在越祇國舍鞞瘦國說大似論體。六行四諦十點法門。

禪祕要法經三卷。南尺北竭。

姚秦天竺沙門鳩摩羅什譯。

一爲迦絺那難陀說繫念觀左腳大指法。次爲大衆說第一繫念額上。第二觀白骨。第三津膩慚愧觀。第四胖脹膿血及易想觀。第五觀薄皮。第六厚皮蟲聚觀。第七極赤淤泥濁水洗皮雜想。第八新死想。第九具身想。第十節節解觀。第十一白骨流光觀。第十二四大觀。亦名八十八使境界。第十三結使根本觀。第十四易觀法及地大觀。又觀外四大亦名漸解學觀空。第十五四大觀。第十六四大觀。第十七身念處觀。第十八一門觀。具見七佛等。第十九觀佛三昧。亦名灌頂法。第二十數息觀。爲禪難提比丘說。第二十一煖法觀。爲槃直迦說。第二十二觀頂法。第二十三觀助頂法方便。第二十四火大觀。第二十五火滅觀。第二十六正觀。得須陀洹道。第二十七真無我觀。滅水大想。向斯陀含。第二十九水大觀。得斯陀含。第三十風大觀。成阿那含。次爲阿祇達說往昔因緣。教修慈心。及說賢聖空相應心境。分別十一切入相。阿難請問經名。并示四法。及囑修者。慎勿輕與人知。

治禪病祕要經二卷。南善北慶。

北涼安陽侯沮渠京聲譯。

治阿練若亂心病七十二種法。尊者舍利弗所問。出雜阿含阿練若雜事中。

治噎法

治行者貪婬

患法。治利養瘡法。治犯戒法。念七佛。念三十五佛。念諸菩薩。念大乘心。觀於空法。想佛捉水灌頂。復想墮獄。稱三寶名。蒙光救拔。然後八百日苦役。七日觀白毫相。又教作毒蛇觀。更作苦役。更觀一佛。更修不淨觀。成。又誦戒經八百遍。然後復淨。治樂音樂法。治好歌頌偈讚法。治水大猛盛。因是得下法。治因火大頭痛。眼痛。耳聾法。治入地三昧。見不祥事。驚怖失心法。治風大法。初學坐者。鬼魅所著。種種不安。不能得定。治之之法。尊者阿難所問。

此經雖云出阿含部。而多有乘法要。

陰持入經二卷。南孝。北竭。

後漢安息國沙門安世高譯。

說五陰六入等法相。及說三十七品等。

五百弟子自說本起經一卷。孝。

西晉月支國沙門竺法護譯。

前二十九品。諸弟子各說本因。第三十品。佛說九惱本因。似未完。

佛說光明童子因緣經四卷。今作二卷。南斯。北夙。

宋北印土沙門施護譯。

王舍城善賢長者妻懷妊。長者問佛。佛記其生男。受天福。出家證果。長者悞信外道語。以毒藥摩妻腹。妻死。焚之。佛與大衆往視。子從火中坐蓮華生。佛命頻婆娑羅王。取以爲子。後仍歸長者家。能辨白鬻。



新舊受天福樂。畏阿闍世。遂求出家證果。佛爲比丘說其夙因。

摩登伽經二卷。南善。北慶。

吳天竺沙門竺律炎共支謙譯。

度性女品第一。說一呪護阿難。又說六句神呪。明往緣品第二。帝勝伽欲聘蓮華實女爲息。示真實品第三。破五祠邪。示眞菩提法。衆相問品第四。帝勝伽說三章二十一。句呪。三章八句呪。說星圖品第五。說二十八宿事。觀災祥品第六之一。說人生所逢星紀善惡之相。六之二。說月在衆星所應爲事。及地動等吉凶。明時分別品第七。說四時晝夜長短等法。及出古今夙習因緣。舍頭諫經一卷。南善。北慶。

西晉月支國沙門竺法護譯。

此云虎直阿難昔名也。即摩登伽經異出。

摩登伽女經二紙餘。慶

後漢安息國沙門安世高譯。

爲此女說眼鼻口耳聲步不淨而證果。

摩登伽女解形中六事經二紙餘。慶

附東晉錄。

同上。二經皆摩登伽經第一品異出。

佛說柰女耆域因緣經一卷。南慶北尺。

後漢安息國沙門安世高譯。

說柰女生柰樹上。後與萍沙王生耆域。爲世名醫。治種種奇病。并出往因。

佛說柰女耆婆經一卷。南慶北尺。

後漢安息國沙門安世高譯。

與上經同。而文稍略。

佛說福力太子因緣經上中下合卷。南馨北夙。

宋北印土沙門施護譯。

阿難聞二百億阿尼樓陀舍利子。各言色相精進工巧智慧行業。多獲義利。以問世尊。佛言。智慧爲最勝。而修福因。又爲極勝。即說往時眼力王四子及最後一子事。

佛說業報差別經一卷。南與北當。

隋洋川郡守瞿曇法智譯。

佛在舍衛國祇園。爲力提耶子首迦長者。說一切衆生繫屬於業。依止於業。隨自業轉。因廣明一切業。各有十種。最爲詳明。

佛說輪轉五道罪福報應經四紙欠。南孝北當。

劉宋中天竺沙門求那跋陀羅譯。

佛在迦維羅大樹下說罪福報應。慈悲懺法中廣引之。

佛說十八泥犁經五紙欠。敬

後漢安息國沙門安世高譯。

說十八地獄受苦及壽命長遠。

雜藏經八紙餘。南善北璧。

東晉平陽沙門釋法顯譯。

前半皆鬼問目連答。後半更有多種因果。又有現在國王出家等種種緣。又一華獻佛。羅漢及彌勒。亦不知其果報邊際。俟成佛乃知之。

鬼問目連經三紙欠。南善北璧。

後漢安息國沙門安世高譯。

出雜藏經。

△餓鬼報應經六紙欠。南善北璧。

失譯人名。附東晉錄。

與上經同。而多幾則。

佛說十二品生死經半紙餘。南孝北當。

劉宋中天竺沙門求那跋陀羅譯。

從聖至凡。生死有十二品不同。以勸誡人。

佛說淨意優婆塞所問經四紙半。南斯北夙。

宋北印土沙門施護譯。

佛在祇園。淨意來問長壽短壽。乃至愚癡智慧八種因緣。佛具答之。

無垢優婆夷問經二紙餘。當

元魏中天竺婆羅門瞿曇般若流支譯。

答掃佛塔地。乃至禪四梵行。歸戒功德差別。并現舌相。以決其疑。

阿難問事佛吉凶經五紙餘。南善北慶。

後漢安息國沙門安世高譯。

佛答以持戒敬信。則得吉。毀犯輕慢。則得凶。復問答殺生及惡意向師向善人二種惡報。復問答末世俗弟子理生之事。阿難重頌。請佛住世。

慢法經一紙。南善北慶。

西晉沙門釋法炬譯。

阿難分別經四紙半。南善北慶。

乞伏秦沙門釋聖堅譯。

皆阿難問事佛吉凶經同本。

佛說分別善惡所起經一卷。敬

後漢安息國沙門安世高譯。

明十善十惡所有果報。中明飲酒三十六失。後有偈頌善惡二報。

佛說較量壽命經八紙餘。南力北則。

宋中印土沙門天息災譯。

說娑婆一切壽命長短之數。

十二緣生祥瑞經上下合卷。南盡北則。

宋北印土沙門施護譯。

以十二月一日各從一有支算起。斷種種吉凶事。後說十二生肖。

佛說處處經一卷。敬

後漢安息國沙門安世高譯。

似律中雜雜因緣。

天請問經二紙餘。當

唐大慈恩寺沙門釋玄奘譯。

說福非火所燒。少欲最安樂等。共九問九答。皆切於開示衆生者。

佛說分別緣生經一紙餘。南清北薄。

宋中印土沙門法天譯。

佛初成道。思念世間苦樂諸法。無有能了知者。梵王便來證成。佛更爲梵王說十二緣生之法。嗟鞞曩法天子受三歸。依獲免惡道經。三紙餘。南力北則。

宋中印土沙門法天譯。

天子應墮豬身。帝釋教以三歸。乃生兜率陀天。

佛說出家功德經。四紙餘。當

失譯人名。附三秦錄。

佛聞鞞羅羨那王子樂音。記彼七日命終。阿難勸令一日一夜出家。命終之後。七返生六欲天。當得辟支佛道。阿難因問放人出家之福。障人出家之罪。佛具答之。

佛說大迦葉本經。四紙餘。南孝北當。

西晉月支國沙門竺法護譯。

佛爲大迦葉說制心法。

佛說龍王兄弟經。二紙欠。南尺北敬。

吳月支國優婆塞支謙譯。

即目連降伏二龍事。

佛說羅云忍辱經。二紙半。南孝北當。

西晉沙門釋法炬譯。

因羅云受打佛乃廣讚忍辱之道。

佛說梵摩難國王經一紙餘。當

失譯人名。附西晉錄。

王子均鄰儒出家證果。爲父說法。亦證初果。佛因勅衆僧臨飯時。說僧跋。僧跋者。衆僧飯皆悉平等。

佛說普達王經三紙欠。當

失譯人名。附西晉錄。

夫延國王禮沙門足。諸臣諫之。王命覓一切頭賣之。惟人頭不可賣。乃至丐者亦不肯受。因勸人生信心。遙請佛來國說法。佛并說其夙緣。

佛說末羅王經一紙餘。南孝。北當。

劉宋居士沮渠京聲譯。

爲移石人說四力。一精進力。二忍辱力。三布施力。四父母力。又生老病死。爲四力。

佛說摩達國王經一紙。南孝。北當。

劉宋居士沮渠京聲譯。

羅漢比丘以宿業。爲王養視官馬。七日後現神通。化王歸佛。證初果。

佛說旃陀越國王經二紙半餘。南孝。北當。

劉宋居士沮渠京聲譯。

王小夫人懷孕。大夫人以金賂婆羅門。譖殺埋之。兒於塚中得產。其母半身不朽。飲乳三年。至六歲時。佛度出家。證阿羅漢。乃以神通化其父王令歸三寶。佛因具說夙緣。無數人聞之得道。

萍沙王五願經六紙。壁

吳月支國優婆塞支謙譯。

先敍萍沙王五願。後敍弗迦沙王出家宿窣家。佛夜爲說法。證三果。次日命終。

佛說五王經四紙餘。當

失譯人名。附東晉錄。

五王共相友善。四王各說世樂。惟普安王說出世樂。因引四王見佛。佛爲說世間八苦。遂同出家修道。

毘陀國王經一紙餘。敬

後漢安息國沙門安世高譯。

婆羅門譖殺毀樹者。牛不害折角者。王乃從此信佛。佛因說其往因。

未生怨經三紙欠。敬

吳月支國優婆塞支謙譯。

說瓶沙王受害事。與律中大同小異。

璠璃王經六紙。壁



西晉月支國沙門竺法護譯。

說滅釋種墮地獄始末。

阿闍世王問五逆經四紙餘。南尺北敬。

西晉沙門釋法炬譯。

預記王當一墮獄即出二十劫不墮三惡道。最後成辟支佛。名無穢。

## 卷第三十一

### 小乘經藏之六

佛說解憂經三紙欠。南深北命。

宋中印土沙門法天譯。

先有偈讚偈述。次長行。乃佛在祇園。爲諸比丘說一切無常。應求解脫。

佛說無上處經半紙餘。當

失譯人名。附東晉錄。

即指三寶爲三無上處。

佛說無常經三紙欠。南當北孝。

唐大薦福寺沙門釋義淨譯。

說老病死三法不可愛。經前有偈讚。偈述絕妙。經後有五言偈頌。七言呪願頌。并臨終方訣二紙。

佛說信解智力經五紙。南興北臨。

宋中印土沙門釋法賢譯。

說佛五力十力。

佛說四無所畏經二紙。南履北臨。

宋北印土沙門施護譯。

佛在祇園說四無畏及八大衆中無畏。

佛說四品法門經四紙。南思北斯。

宋中印土沙門法賢譯。

佛在祇園阿難請問世間所有驚怖等事。愚人所有。智者即無。佛言。愚人不了界法。不了處法。不了緣起法。不了處非處法。智人善了此四品法。

佛說法乘義決定經上中下合卷。南言北之。

宋西夏沙門金總持等譯。

佛在祇園有一比丘名甚深勇猛。請問鹿野苑中所說法乘決定之義。佛爲廣說五蘊。五取。十二處。十八界。十二緣生。四聖諦。二十二根。五三摩地。四禪。四無色定。四無量心。四三摩地。四念處。四正斷。四神

足。五根。五力。七覺支。八聖道。十六心念。四果。十力。四無所畏。四無礙辯。十八不共法。三十二相。及行所感八十種好。

佛說決定義經九紙半。南溫。北薄。

宋中印土沙門法賢譯。

佛在祇園。爲諸苾芻說五蘊。五取蘊。十八界。十二處。十二緣生。四聖諦。二十二根。如來十力。四無所畏。四禪定。四無色定。四無量行。四無礙智。四三摩地。想及三十七品。

佛說廣義法門經八紙欠。出中阿含一品。南福。北緣。

陳優禪尼國沙門真諦譯。

舍利弗爲比丘說十二離難隨順道時。當爲如理而說。聽法之人。具十六相。心得清淨。十法成熟。般若。十相應法。十四違障不淨想。六障無常苦想。十一障生光明想。三多恩德。十四於不淨觀多恩德。二十勤修障。十一於伏滅障多恩德。二十多恩德。二十二時處當觀。七相能滿。二十種行。未得道者。當爲恐意。二十種行。速得依住。十一障礙法爲難。十勝智。十三喜樂依止法。依四法行。令五法滿。能滅八刺。得無學十法。

佛說普法義經七紙餘。緣

後漢安息國沙門安世高譯。

與上經同。而文苦澀。

佛說海八德經二紙餘。南尺北璧。

姚秦天竺沙門鳩摩羅什譯。

因牽犯戒者出。爲衆說八法如大海。阿含及律俱有之。

佛說法海經二紙半。南尺北璧。

西晉沙門釋法炬譯。

與上經同。

佛說身毛喜鬘經三卷。南作卷半。北作一卷。南譬北夙。

宋譯經院沙門惟淨等譯。

善星捨離佛法。以多種緣謗佛法僧。舍利子聞之。白佛。佛爲廣說佛法。所謂九次第定。十力。四無畏等。

及說樹下證果之相。龍護尊者請名奉持。

黑氏梵志經二紙半。敬。

吳月支國優婆塞支謙譯。

閻羅王聽梵志說法。悲其七日當死。死當墮落。梵志懼而見佛證果。

長爪梵志請問經二紙餘。當。

唐大薦福寺沙門釋義淨譯。

佛爲梵志說八支戒所獲佛身果報。梵志遂受八支齋戒。

佛說婦人遇辜經一紙餘。孝。

乞伏秦沙門釋聖堅譯。

婦人親戚一時亡絕。見佛得道。

須摩提長者經七紙餘。一名會諸佛前。亦名如來所說示現衆生。

敬

吳月支國優婆塞支謙譯。

長者子死痛苦。佛說一切法無常。以開喻之。

盧至長者因緣經一卷。當

失譯人名。今附東管錄。

長者生平最慳。節會日飲醉自歌。帝釋化作相似人以惱亂之。乃令見佛。證初果。

佛說耶祇經一紙半餘。南孝。北當。

劉宋居士沮渠京聲譯。

迦奈國婆羅耶祇捨外道歸佛。受五戒。不能持。向佛還戒。佛默不答。有五鬼神來競害之。佛放光救令得蘇。懺悔更受戒。即得初果。仍出家。證四果。

佛說貧窮老公經二紙。南尺。北敬。

劉宋沙門釋慧簡譯。

年百二十。而甚貧窮。欲來見佛。釋梵斷之。佛令阿難喚來。說其夙因。出家證果。

佛爲阿支羅迦葉說自他作苦經一紙半。敬

後漢安息國沙門安世高譯。

爲說苦非自作。他作共作。無因作。見諦得道。牛觸死。入滅。

佛說長者普悅經三紙餘。南尺北敬。

吳月支國優婆塞支謙譯。

長者得四吉祥。佛往歎。令其植福。後得四不吉祥。尼毘往歎。乃得痛打。佛因說其夙緣。

佛說鬼子母經三紙欠。當

失譯人名。附西晉錄。

鬼子母喜盜食人間兒子。佛令比丘取其多子藏之。化令見佛受法。立願保護世間。

佛說孫多耶致經二紙欠。當

吳月支國優婆塞支謙譯。

梵志自謂日三浴。噉果飲水。行勝沙門。佛爲說二十一惡行。不得受好衣食。及說洗心垢法。彼即出家得道。

佛說八師經三紙餘。南尺北敬。

吳月支國優婆塞支謙譯。

梵志邪旬問佛何師。佛以八師答之。殺盜邪淫。妄語飲酒。老病死。

佛說九橫經一紙。當

後漢安息國沙門安世高譯。

一不應飯爲飯。乃至九可避不避。皆招橫死。慧人當識當避。

佛說沙曷比丘功德經二紙。南孝。北當。

西晉沙門釋法炬譯。

即莎伽陀比丘也。佛讚說其降龍功德。并非實辭。有似大乘發迹顯本之意。

佛說得道梯蹬錫杖經五紙欠。附佛說持錫杖法。南尺。北敬。

失譯人名。附東晉錄。

此與律制錫杖迥異。已於毗尼集要杖法中略辯之。

佛說呵鵬阿那含經一紙半。孝。

東晉西域沙門竺曇無蘭譯。

佛讚呵鵬優婆塞有八事。而不欲人知。

佛說燈指因緣經八紙欠。孝。

姚秦天竺沙門鳩摩羅什譯。

說長者子燈指先富中貧。後又大富。皆由宿因。

佛說五無返復經二紙。南孝。北當。

劉宋居士沮渠京聲譯。

羅閱祇梵志遊學舍衛國。見耕者子死。而父不哭。乃至舉家不哭。問佛決疑。

佛說五無返復經二紙。南孝。北當。

此經與竺本前後異同。義理俱好。故依竺本重出。竹堂講主校定。

長者子懊惱三處經二紙餘。敬。

後漢安息國沙門安世高譯。

說長者子於天中。人中。龍中。一時令三處哭泣。

五母子經一紙半。南善。北慶。

吳月支國優婆塞支謙譯。

沙彌憶五世令母哭事而笑。

沙彌羅經一紙餘。慶。

失譯人名。安公云。關中異經。

與上經同。

佛說栴檀樹經二紙。當。

失譯人名。附漢錄。

窮人依栴檀樹神得活。後報王伐此樹。身死樹下。佛微笑放光。說其夙緣。



佛說佛大僧大經五紙半。南孝北當。

劉宋居士沮渠京聲譯。

王舍國有富者。名爲厲。求生二子。一名佛大。二名僧大。僧大出家。佛大貪其弟婦。弟婦不從。佛大遣賊往殺僧大。僧大臨死。截四肢。得四果。弟婦哭死。得生天。佛大遂墮地獄。

阿鳩留經三紙。敬

後漢失譯人名。出僧祐錄古典經。

賈客阿鳩留不信後世。於曠野樹下得遇豪薜荔。乃深信因果。勤行布施。後得生天。然不如施迦葉者。佛說類多和。多者經一紙餘。當

失譯人名。附西晉錄。

梅檀調弗天啓請於佛。佛爲諸弟子說布施八事。及說愚人不知布施。有十因緣。

佛說越難經一紙半。南尺北敬。

西晉清信士聶承遠譯。

越難長者大富而慳。死作盲乞兒。乞食至其家。爲子所打。佛因之說偈。

佛說摩訶迦葉度貧母經四紙欠。孝

劉宋中天竺沙門求那跋陀羅譯。

迦葉度最貧母生天。天帝釋化作貧人以供迦葉。

佛說布施經二紙。南臨北則。

宋中印土沙門法賢譯。

佛在給孤獨園說三十七種布施感果不同并爲國王說布施及十善法。

佛說五大施經十行。南思北之。

宋北印土沙門施護等譯。

能持五戒是爲五種大施。

佛說四天王經二紙欠。孝

劉宋枳園寺沙門釋智嚴共寶雲譯。

說六齋日四王下巡人間善惡而生喜感。

佛說出家緣經一紙餘。敬

後漢安息國沙門安世高譯。

爲難提優婆塞說犯五戒過前四事各十惡。飲酒三十五惡。

孝子經二紙欠。敬

失譯人名。

明供養不若勸親爲善去惡。

佛說進學經十七行。南尺北敬。

劉宋居士沮渠京聲譯。

一孝順。二仁慈。三惠施。四捨俗。又聖默然。及聖說法。又財法二施。法施爲最。

佛說賢者五福經一紙欠。當

西晉河內沙門白法祖譯。

明說法得五種福。一長壽。二大富。三端正。四名聞。五聰智。并出其因。

佛說解夏經二紙餘。南溫。北深。

宋中印土沙門法賢譯。

佛向舍利弗等問三業可忍。舍利弗亦向佛求可忍。并爲五百比丘求可忍。尊者囑儼舍說伽陀讚。

佛說蟻喻經二紙欠。南淵。北斯。

宋北印土沙門施護譯。

佛放大光普照。告諸苾芻。於一時中。有諸蟻聚。夜中出煙。晝日火然。婆羅門見。乃作是言。若有執持快利刀者。必能破散其聚。次復見龜。見諸蟲等。皆作是言。乃至最後見一大龍。托一苾芻問我。我爲彼言。蟻聚即是五蘊。煙即尋伺。火即身語二業。龜即五障染法。蟲等即是忿恚慳嫉。五欲無明疑惑。我慢龍者。即阿羅漢。婆羅門者。即是如來。快利者。即有智人。刀者。即是智慧破散者。即發起精進勝行。

佛說自愛經四紙欠。南孝。北當。

東晉西域沙門竺曇無蘭譯。

佛受舍衛國王四街道請說三種自愛之法。有兩商人見之。一人心念讚佛。一人心念毀佛。毀者隨即  
斃死。讚者尋得作國王。請佛至其國內供養。佛爲說最重五罪。一不忠孝。二惡心向羅漢。三謗佛。四破  
僧。五毀盜三寶物。

佛說罵意經十三紙餘。敬

後漢安息國沙門安世高譯。  
多似律中語及雜說一切善惡法。

佛說堅意經一紙餘。南尺北當。

後漢安息國沙門安世高譯。

囑比丘雖受人謗當如水火。又囑人一心聽經。

佛說佛治身經一紙欠。南宜北既。

失譯人名。今附西晉錄。

說當學工語不離法行。

佛說佛醫經三紙餘。南終北明。

吳天竺沙門竺律炎共支越譯。

說人身中四大得病因緣及九橫四飯食多五罪財屬五家。

佛說治意經一紙欠。南宜北既。

失譯人名。今附西晉錄。

說安般守意。

佛說大魚事經一紙餘。孝

東晉西域沙門竺曇無蘭譯。

借大魚勅小魚以喻大比丘囑小比丘。若小比丘不守根門。如彼小魚隨線就死。

佛說法受塵經半紙餘。敬

後漢安息國沙門安世高譯。

誠諸男勿染女。女勿染男。

佛說阿含正行經三紙欠。敬

後漢安息國沙門安世高譯。

說五陰爲賊五根相欺。及說十二因緣。誠持五戒。修四念處。得度五道。

佛說所欲致患經四紙半。南尺北敬。

西晉月支國沙門竺法護譯。

佛爲比丘代答外道之問。

佛說八無暇有暇經三紙餘。南當北孝。

唐大薦福寺沙門釋義淨譯。

有八無暇。一地獄。二餓鬼。三畜生。四長壽天。五邊地。六蠱瘕。七邪見。八無佛世。惟有一暇。可修道業。誠人勿致後悔也。

佛說譬喻經一紙。當

唐大薦福寺沙門釋義淨譯。

佛爲勝光王說空井樹根二鼠四蛇毒龍蜜滴蜂螫火燒之喻。

四願經四紙欠。敬

吳月支國優婆塞支謙譯。

爲純陀說人間四願皆不可保。復說思想識等法門。前後文不相蒙。頗似錯簡。

佛說四自侵經四紙欠。南孝北當。

西晉月支國沙門竺法護譯。

先說夙夜不學。老不止姪。得財不施。不受佛言。爲四自侵。次說一切警策之語。

佛說諸行有爲經一紙餘。南方北忠。

宋中印土沙門法天譯。

佛在給孤獨園說一切行遷流。乃至佛亦不免棄捨此身。

佛說木櫨經一紙餘。當

失譯人名。附東晉錄。

波瑠璃國王遣使求佛法要。佛示以木椽百八。稱佛陀。達磨。僧伽名。并分別功德淺深。  
佛說醫喻經一紙餘。南齊北夙。

宋北印土沙門施護譯。

說醫王有四種。法王亦爾。說四諦法。

佛說中心經四紙餘。與阿含正行經同本別譯。孝

東晉西域沙門竺曇無蘭譯。

先由目連神通。化彼移山梵志。得令信心。佛乃爲說五賊五欺諸法。

佛說身觀經二紙欠。南當北孝。

西晉月支國沙門竺法護譯。

說身不淨。無可愛樂。後附偈頌七言七首。五言十首。皆妙絕。

佛說禪行三十七品經二紙。南當北孝。

後漢安息國沙門安世高譯。

明少時修三十七品。亦非愚癡。食人信施。何況能多。

禪行法想經半紙餘。敬

後漢安息。沙門安世高譯。

一彈指間。思惟死想等。不是愚癡。食人信施。

佛說新歲經四紙 當

東晉西域沙門竺曇無蘭譯。

坐夏既畢。佛集衆僧各相懺悔。諸天與供偈歎。

佛說時非時經二紙 南孝北當。

西晉外國沙門若羅嚴譯。

分別十二月各有時與非時。

佛說護淨經二紙 當

失譯人名附東晉錄。

因見大池中蟲。乃說食不淨食之報。并示護淨之法。亦明齋法。得六十萬世餘糧。

似結集家結撮語。

佛說因緣僧護經一卷 南當北竭。

失譯人名今附東晉錄。

龍變形受具戒。佛遣之歸。五百商人入海。請僧護爲說法師。逮至海中。龍王乞去授四龍子四阿舍經。商人還時。僧護出海同還。路中相失。見地獄中五十六事。次至五百仙人處。寄宿一夜。度令證果。還來見佛。問佛因緣。佛一一答之。

比丘避女惡名欲自殺經一紙欠 南當北孝。



西首沙門釋法炬譯。

比丘因惡名。欲往林中自殺。正住天神說偈曉之。即得道。

阿難同學經二紙餘。南緣北善。

後漢安息國沙門安世高譯。

掘多比丘思返俗。阿難啓佛開示之。證果入滅。

佛說月喻經二紙欠。南馨北夙。

宋北印土沙門施護譯。

說比丘法及讚迦葉。

佛說灌頂王喻經一紙欠。南馨北夙。

宋北印土沙門施護譯。

說王有三時受灌頂法。常所思念。苾芻於出家。淨法眼。盡漏三時。亦常思念。

佛說比丘聽施經二紙餘。當

東晉西域沙門竺曇無蘭譯。

聽施比丘不樂法。佛方便爲說曉道徑不曉道徑之喻。

佛說見正經五紙半。孝

東晉西域沙門竺曇無蘭譯。

見正比丘疑無後世。佛借大樹作喻說法。乃至爲說種種譬喻。除其斷常二見。  
佛說略教誡經一紙。當

唐大薦福寺沙門釋義淨譯。

讚少欲知足。訶惡比丘三種不善思惟。

佛說父母恩難報經一紙。欠。當

後漢安息國沙門安世高譯。

與孝子經大同小異。可並流通。

佛說淨飯王般涅槃經五紙。半。南尺。北當。

劉宋居士沮渠京聲譯。

佛及難陀阿難羅云親送淨飯王喪。以彰孝道。

獼猴經一紙。半。敬

吳月支國優婆塞支謙譯。

說受戒而嫉妒其師者。如獅狗還嚙其主。及說不如法授戒。反入泥犁。

佛說羣牛譬經一紙。餘。當

西晉沙門釋法炬譯。

以羣牛譬好比丘。以驢譬惡比丘。

佛爲年少比丘說正事經一紙半。南孝北當。

西晉沙門釋法炬譯。

因上座比丘如法攝受年少比丘。佛讚歎之。

分別經四紙餘。敬

西晉月支國沙門竺法護譯。

有受戒而得福。有受戒而反墜。有三輩事佛之不同。及說支那國非法者多。翻在魔部等。

佛說阿難七夢經一紙欠。孝

東晉西域沙門竺曇無蘭譯。

佛爲阿難解釋七夢。皆應五濁惡世之事。

阿難四事經三紙。敬

吳月支國優婆塞支謙譯。

一慈心俯育人畜。二悲心周給窮苦。三不食肉。持五戒。四敬沙門。行此四事。如供佛無異。

佛說五苦章句經十二紙欠。一名淨除罪蓋娛樂佛法經。南尺北當。

東晉西域沙門竺曇無蘭譯。

一說五道苦。二說八惡處。三說十二重城。三棘籬。六賊等。四說諸重擔。五說香臭二木喻。及說四生四諦等。又說五天使者等。

佛說月光菩薩經五紙欠。南臨北盡。

宋中印土沙門法賢譯。

佛在竹林精舍。因舍利弗目犍連。先入滅度。為諸比丘說月光王捨頭因緣。

末曾有因緣經三卷。南彼北靡。

蕭齊沙門釋曇景譯。

舍利弗為和尚。目犍連為阿闍梨。度羅睺維作沙彌。不樂聽法。因波斯匿王為說野干墮并本緣。明聽法功大。次為王授十善法。次說四擔罽石女往因。次聽五百比丘還戒。次諭羅睺維修學智慧。次為祇陀說五戒開遮方便。亦為波斯匿王說末利夫人功德。次教令以十善道展轉教化。如一燈然無量燈。名報師恩。名報三世佛恩。

此經雖說發菩提心。六度。四等。十善化人。無生法忍等事。而依生滅四諦說法。故屬阿含。

除惡災患經一卷。南岡北短。

乞伏秦沙門釋聖堅譯。

佛住王舍城。維耶離大疫。請佛往救。受才明長者家十六日供。次受奈女供。廣說佛受寶蓋往因。才明眷屬往因。奈女往因。

佛說字經一卷。亦云字經抄。南忘北彼。

吳月支國優婆塞支謙譯。

闍藏知津 五小乘經

佛住祇園。有孫陀利女之謗。至第八日。卑先匿王察知其情。佛乃爲說往昔行菩薩道時。其名曰孛。身爲國師。受四臣及夫人謗。久後方明。今復如是。

天王太子辟羅經一紙半。南賢北景。

安公關中異經。今附秦錄。

太子自說昔爲國王。欲造大鼓。智臣爲行施事。

佛說八大靈塔名號經一紙餘。南夙北臨。

宋中印土沙門法賢譯。

生處 成道處 轉法輪處 現神變處 從忉利下處 化度分別僧處 思念壽量處 入涅槃

處

佛說溫室洗浴衆僧經三紙欠。南莫北短。

後漢安息國沙門安世高譯。

耆域請佛及僧洗浴。佛言。當用七物。除去七病。得七福報。

諸德福田經五紙餘。南忘北彼。

西晉沙門釋法立法炬同譯。

帝釋問良田。佛以五淨德名曰福田。即沙彌五德也。又十法廣施。名曰福田。謂興立佛圖等。於是四比

丘一比丘尼。天帝釋及如來。各說宿行所得果報。

佛爲海龍王說法印經半紙。南賢北景。

唐大薦福寺沙門釋義淨譯。

即無常苦無我寂滅四印也。

寶頭廬突羅閣爲優陀延王說法經七紙欠。南甚北墳。

宋天竺三藏求那跋陀羅譯。

賢愚因緣經十三卷。南誠美北左達。

元魏涼州沙門釋慧覺等譯。

雜譬喻品第一 梵天請法六事。摩訶薩埵以身施虎緣品第二 二梵志受齋緣品第三 波羅奈

人身寶供養緣品第四 海神難問船人緣品第五 恆伽達緣品第六 須闍提緣品第七 波斯

匿王女金剛緣品第八 金財因緣品第九 華天因緣品第十 寶天因緣品第十一 驢提婆羅

因緣品第十二 慈力王血施緣品第十三 降六師緣品第十四 鋸陀身施緣品第十五 大光

明王始發道心緣品第十六 摩訶斯那優婆夷緣品第十七 出家功德尸利苾提緣品第十八 此

云福增其年百歲。沙彌守戒自殺緣品第十九 長者無耳目舌緣品第二十 貧人夫婦豔施得

現報緣品第二十一 迦旃延教老母賣貧緣品第二十二 金天緣品第二十三 重姓緣品第二

十四 散檀寧緣品第二十五 月光王頭施緣品第二十六 快目王眼施緣品第二十七 五百

盲兒往返逐佛緣品第二十八 富那奇緣品第二十九 尼提度緣品第三十 大劫寶寧緣品第

- 三十一 微妙比丘尼緣品第三十二 梨耆彌七子緣品第三十三 設頭羅健寧緣品第三十四  
阿輸迦施土緣品第三十五 七瓶金施緣品第三十六 差摩現報緣品第三十七 蓋事因緣  
品第三十八 往古王名也 大施抒海緣品第三十九 阿難總持緣品第四十 優婆斯兄所殺緣  
品第四十一 兒誤殺父緣品第四十二 須達起糶舍緣品第四十三 大光明始發無上心緣品  
第四十四 勒那閣耶緣品第四十五 迦毗梨百頭緣品第四十六 淨居天請洗浴緣品第四十  
七 摩訶令奴緣品第四十八 善求惡求緣品第四十九 善事太子入海緣品第五十 無惱指  
鬻緣品第五十一 檀膩鞞緣品第五十二 貧女難陀緣品第五十三 師質子摩頭羅瑟質緣品  
第五十四 檀彌離緣品第五十五 象護緣品第五十六 波婆梨緣品第五十七 二鸚鵡聞四  
諦緣品第五十八 烏聞比丘說法生天緣品第五十九 五百雁聞佛法生天緣品第六十 堅誓  
師子緣品第六十一 梵志施佛納衣得授記緣品第六十二 佛始起慈心緣品第六十三 頂生  
王緣品第六十四 蘇曼女十子緣品第六十五 婆世躡緣品第六十六 優婆塞拈緣品第六十  
七 汪水中蟲緣品第六十八 沙彌均提緣品第六十九

雜寶藏經八卷 南業北既

元魏西域沙門吉迦夜共曇曜譯。

十奢王緣第一 王子以肉濟父母緣第二等 共集一百二十一緣 勸人作福持戒 出生死 成菩提。

撰集百緣經十卷 南慎北承。

吳月支國優婆塞支謙譯。

菩薩授記品第一 報應受供養品第二 授記辟支佛品第三 出生菩薩品第四 餓鬼品第五 諸天來下供養品第六 現化品第七 比丘尼品第八 聲聞品第九 諸緣品第十 每品十緣。故有百緣。

### 卷第三十二

### 大乘律藏

述曰。大乘律法。雜在方等諸經。不同聲聞別部獨行。今於經中。取其扶律義居多者。或是全部。或一品一章。別標如左。

佛說梵網經二卷。有僧肇序。南攝。北安。

姚秦天竺沙門鳩摩羅什譯。

菩薩心地品上。釋迦於第四禪。接衆歸蓮華藏。請問盧舍那佛。廣說三十心。十地法門。菩薩心地品下。釋迦示成佛道十處說法之後。即於菩提樹下。結示十重四十八輕戒法。

此經本與華嚴同部。今惟此品單行。故南北二藏皆歸於律。

菩薩瓔珞本業經二卷。南職。北篤。



姚秦涼州沙門竺佛念譯。

集衆品第一。佛重遊道場樹下放四十二光。集十首菩薩。從十林刹。十精進佛所來。及集一切諸天衆等。賢聖名字品第二。說十住。十行。十迴向。十地。等覺妙覺名字。皆華梵雙舉。又說住前十心。信念。精進。定慧。戒迴。向護法。捨願。又說二十四願偈。亦說十不可悔戒。賢聖學觀品第三。謂十住名習種性。十行名性種性。十向名道種性。十地名聖種性。次等覺性。次妙覺性。又名六堅。又名六忍。又名六慧。又名六定。又名六觀。又名六寶瓔珞。一銅寶。二銀寶。三金寶。四瑠璃寶。五摩尼寶。六水精寶。并說六位所修諸行。釋義品第四。仍釋前十信。及四十二位之義。佛母品第五。答敬首菩薩問。二諦義。并說小中大劫差別。因果品第六。明十波羅密。各有三緣。及說七財。四攝。四辯。四依。等爲因。二種法身爲果。大衆受學品第七。佛復放光集衆。囑文殊及善財等。七大菩薩。各領大衆受學。因分別三種受戒。及受戒儀式。由受戒故。次第入於住行。向地。等妙覺中。集散品第八。三勸大衆發菩提心。乃至再囑。須受菩薩戒已。方可爲說此大法門。

此亦仍似華嚴部攝。智者大師依此判別圓位次。今因始終申明十重戒法。故南北皆歸律藏。

菩薩善戒經九卷。一名菩薩地。南仕攝北辭。

劉宋中天竺沙門求那跋摩等譯。

序品第一。與寶集中決定毗尼經同。善行性品第二。發菩提心品第三。利益內外品第四。眞實義品第五。不可思議品第六。調伏品第七。菩提品第八。菩提力性品第九。施品第十。

戒品第十一 忍品第十二 精進品第十三 禪品第十四 慧品第十五 輒語品第十六 供養三寶品第十七 三十七助道品第十八 助菩提數法餘品第十九 功德品第二十 如法住菩薩相品第二十一 如法住禪品第二十二 如法住定心品第二十三 如法住生菩薩地品第二十四 如法住畢竟地生品第一 畢竟地攝取品第二 畢竟地畢竟品第三 畢竟地行品第四 畢竟地三十二相八十種好品第五 畢竟地住品第六 明十力 四無畏等 後有優波離問結經名。

從第二品以下。並與瑜伽師地論中菩薩地同意。彌勒菩薩宗此經成地論。而地持一經。又從地論錄出別行。故仍與此大同也。

菩薩善戒經一卷。連前經。優波離問菩薩受戒法。

明六重八重及四十八輕。即上經戒品中別出。與菩薩戒本及羯磨文大同小異。

佛說受十善戒經一卷。南職北篤。

### 開元錄拾遺單本。

十惡業品第一。佛爲舍利弗說十惡業名。并示以授十善戒法。身三口四意三。三番歸依而受。次授八戒齋法。十施報品第二。頌歎不殺功德。次說殺生十報。略歎不盜功德。次說偷盜十報。讚歎不婬有五功德。次說婬有十過。頌歎不妄語等功德。次說口四過惡業。

佛說十善業道經五紙欠。南從北初。

唐于闐國沙門實義難陀譯。

佛為海龍王說一切法。靡不由心。應修十善。遂廣明十善功德。及攝一切佛法。

即方等部海龍十經中一品。

△佛為娑伽羅龍王所說大乘法經八紙半。南命北盡。

宋北印土沙門施護譯。

與十善業道經同。

文殊師利問經二卷。染

蕭梁扶南國沙門僧伽婆羅譯。

序品第一。佛住耆闍崛山。與比丘菩薩眾俱。菩薩戒品第二。與沙彌十戒同。不可思議品第三。明

如來不入涅槃。無我品第四。涅槃品第五。般若波羅密品第六。有餘氣品第七。來去品第

八。中道品第九。世間戒品第十。亦即沙彌十戒。出世間戒品第十一。明菩薩七聚。上出世間

戒品第十二。觀第一義也。菩薩受戒品第十三。發菩提心也。字母品第十四。分別部品第十五。

明佛滅後。僧祇上座二部。共出二十部。皆是大乘出。無是亦無非。雜問品第十六。設為外道種種邪

難。求佛解釋。囑累品第十七。既囑累已。復廣明在家過患。出家功德。次明念佛三昧。得見餘世界佛。

次明用供養華呪法。

佛說菩薩內戒經一卷。南從北言。

劉宋中天竺沙門求那跋摩譯。

佛以十五日說戒時。文殊請問初發意道俗菩薩。當作何功德。佛爲說十二時戒法。一歸依懺悔。誓行六度。發三願。及行十法則。二受四十七戒。三受佛法身般若。各二十因緣。四受二十因緣行之。自知宿命。五受四禪法。六受般若三昧法。七受菩薩三昧法。八受月三昧。平心行之。九六根去惡爲善。以六度教化一切。十外如地。內如水。十一願一切衆生。各得其樂。十二修六妙門。不住三乘果。次說十住菩薩。各有十功德。

文多梵語。頗難解會。

佛藏經四卷。南職。北篤。

姚秦天竺沙門鳩摩羅什譯。

諸法實相品第一。爲舍利弗說。晝空等十喻。喻如來說一切法。無生無滅。無相無爲。令人信解。倍爲希有。念佛品第二。明無有分別。無取無捨。是真念佛。念法品第三。念僧品第四。淨戒品第五。明破戒比丘。成就十憂惱箭。必墮惡道。淨法品第六。明迦葉佛預記。釋迦佛法中。多受供養。故法當疾滅。譬如諸盲爲賊所誑。墮於深坑。往古品第七。明大莊嚴佛滅後。衆分五部。一解正法者。即今滿慈子。四說邪法者。久墮地獄。今出爲調達等。淨見品第八。明釋迦曾於過去。歷侍多佛。以有所得。故不獲受記。至錠光佛時。悟無生忍。乃得受記。了戒品第九。明三種人不喜聞此經。一破戒。二增上慢。三不淨說法。及貪著我者。次明白毫相光一分。能供如法修道比丘。比丘不必愁慮四事。但當一心辦道。

囑累品第十。具明末世不如法事。并囑累竟。魔王憂惱啼哭。以佛預爲之防。不能破正法故。佛更說偈以結前義。

優婆塞戒經七卷。南攝北定。

北涼中天竺沙門曇無讖譯。

集會品第一。善生長者述外道禮六方法。佛告以六波羅密。兼示以一切法無性。發菩提心。持八重六重。名出家人家菩薩。發菩提心品第二。悲品第三。解脫品第四。三種菩提品第五。謂聲聞菩提。緣覺菩提。諸佛菩提。亦名從聞思修得。修三十二相業品第六。發願品第七。名義菩薩品第八。義菩薩心。固品第九。自利利他品第十。自他莊嚴品第十一。二莊嚴品第十二。即福德智慧。攝取品第十三。受戒品第十四。明在家六重二十八輕戒。須六月中淨四威儀。乃於二十僧中授之。淨戒品第十五。明受戒後種種法要。三法。四法等。息惡品第十六。供養三寶品第十七。六波羅密品第十八。雜品第十九。具明布施如法。不如法。清淨不清淨事。淨三歸品第二十。八戒齋品第二十一。五戒品第二十二。尸波羅密品第二十三。業品第二十四。即十善十惡。羶提波羅密品第二十五。毗離耶波羅密品第二十六。禪波羅密品第二十七。般若波羅密品第二十八。

佛說法律三昧經七紙欠。南從北初。

吳月支國優婆塞支謙譯。

佛於摩竭提國先說十二自燒。次爲阿難說雖發大意。有四事墮落。次因舍利弗自責昔非。爲說大乘法要。次爲勇聲菩薩分別聲聞禪緣覺禪。如來禪五通仙人禪之不同。

清淨毗尼方廣經一卷。南從北初。

姚秦天竺沙門鳩摩羅什譯。

佛住耆闍崛山。寂調伏音天子思見文殊。佛放白毫藏光。從寶相佛國召來。與十千菩薩俱。文殊與天子問答第一義諦。及彼土聲聞所證大法。有四衆各五百人。及五千天子。因欲往彼土作聲聞衆。而發大心。得往生記。又問答聲聞菩薩律行不同。及種種法門。因明菩薩住五無間。成無上道。謂從初發意中間。大心大慈悲。大捨分證。滿證皆悉無間。直至成佛。於是問答持此經衆義。又總約大悲別約六度。明煩惱成菩提義。佛乃讚印及釋迦葉疑。後文殊以神力教示彼土菩薩。於此土衆生而發大願。

△佛說文殊師利淨律經一卷。南從北言。

西晉月支國沙門竺法護譯。

與上經同。分作四品。而菩薩五無間以下諸文俱闕。天子名寂順律音。

△寂調音所問經一卷。一名如來所說清淨調伏經。南從北定。

劉宋沙門釋法海譯。

亦同上經。

佛說文殊悔過經一卷。南從北定。

西晉月支國沙門竺法護譯。

佛在耆闍崛山。新學菩薩狐疑所蔽。有如來齊光照耀菩薩。爲之請問文殊。文殊爲說懺悔。勸助。請法。興供。迴向。發願。諸法。彼等皆得無生法忍。佛遙聞而讚歎之。勸助。卽隨喜也。

三曼陀颯陀羅菩薩經六紙。南從北初。

西晉清信士聶道真譯。

序品第一。佛在摩竭提國。文殊問三曼陀跋陀羅菩薩。若人求菩薩道者。當作何施行。先總答之。悔過品第二。願樂品第三。卽隨喜。請勸品第四。法行品第五。卽迴向。譬福品第六。

菩薩藏經九紙欠。南從北初。

蕭梁扶南國沙門僧伽婆羅譯。

佛在祇園。舍利弗問懺悔。隨喜。勸請。迴向之法。佛具答之。初明十世界十佛。令結壇受持。後明過去大光明聚如來時。佛爲竭伽陀天女。受持此經。卽轉女身。若女人聞此如來名者。卽不更受女身。

舍利弗悔過經四紙。南從北初。

後漢安息國沙門安世高譯。

大乘三聚懺悔經一卷。南從北定。

隋北天竺沙門闍那崛多及笈多等譯。

二經皆同上。而悔過經文太略。

佛說淨業障經一卷。南職北篇。

開元附秦錄。

佛住毗舍離庵羅樹園。無垢光比丘入城乞食。被婬女所呪。犯根本戒。生大憂悔。見文殊師利菩薩。將至佛所。佛爲說無性之法。發心得記。因廣說淨業障法。又說過去無垢光佛滅後。有勇施比丘犯根本戒。得聞深法。頓發大心。今已成佛。

佛說善恭敬經六紙欠。南效北頁。

隋北天竺沙門闍那崛多譯。

說教他功德及示事師軌式。

佛說正恭敬經四紙餘。南效北頁。

元魏北天竺沙門佛陀扇多譯。

與上經同。但示事師軌式。

佛說大乘戒經一紙欠。南履北臨。

宋北印土沙門施護譯。

佛在祇園說文簡義切最宜流通。

菩薩戒羯磨文五紙餘。南職北篇。

彌勒菩薩說唐大慈恩寺沙門釋玄奘譯。



受戒羯磨第一 懺罪羯磨第二 得捨差別第三 出瑜伽師地論。

菩薩戒本經一卷。南職北篇。

慈氏菩薩說 北涼中天竺沙門曇無讖譯。

此即半月半月誦戒本也。此譯最善。

菩薩優婆塞五戒威儀經一卷。南從北言。

劉宋中天竺沙門求那跋摩譯。

與上經同。而後附有禮佛發願受繩牀等諸法。

△菩薩戒本一卷。有靜邁序。南職北篇。

唐大慈恩寺沙門釋玄奘譯。

與上經同。而中有闕性罪之八條。

菩薩受齋經二紙餘。南從北初。

西晉清信士聶道真譯。

先明三歸悔過。次明當護十念。次明有十戒。次明解齋法。迴向淨土。

菩薩五法懺悔經一紙半。南從北初。

開元附梁錄。

五悔各作偈語。而無序及流通。蓋西土聖賢撰述也。

卷第三十三

小乘律藏

述曰。毗尼一藏。元不局於聲聞。但大必兼小。小不兼大。今約當分。且屬聲聞。實則大小兩家之所共學。而菩薩比丘。紹佛家業。化他為務。尤不可不精通乎此也。

四分律藏六十卷。南訓入奉母儀諸姑。北業所基籍甚無。

姚秦屬賓國沙門佛陀耶舍共竺佛念譯。

第一分比丘戒二十一卷。

第二分比丘尼戒 受戒毘度 說戒毘度 共十五卷。

第三分安居毘度 自恣毘度 皮革毘度 衣毘度 藥毘度 迦絺那衣毘度 拘睠彌毘度

瞻波毘度 訶責毘度 人毘度 覆藏毘度 遮毘度 破僧毘度 滅諍毘度 比丘尼毘度

法毘度 共十三卷。

第四分房舍毘度 雜毘度 五百結集法 七百結集毗尼 調部毗尼 毗尼增 一共十一卷。

四分戒本一卷。南姑北外。

姚秦屬賓國沙門佛陀耶舍譯。

四分戒本一卷 前有序 南姑北外

唐西太原寺沙門釋懷素依律集出。

比丘尼戒本一卷 南叔北外

唐西太原寺沙門釋懷素依律集出。

曇無德律部雜羯磨一卷 北作二卷 南猶北受

曹魏天竺沙門康僧鑑譯。

羯磨二卷 出曇無德律部 南猶北婦

曹魏沙門釋曇諦集。

四分比丘尼羯磨法一卷 南猶北卑

劉宋中天竺沙門求那跋摩譯。

四分僧羯磨三卷 北作五卷 南子北卑

唐西太原寺沙門釋懷素集。

尼羯磨三卷 北作五卷 南子北榮

唐西太原寺沙門釋懷素集。

摩訶僧祇律四十卷 北作四十六卷 南政存以甘棠 北攝職從政存

東晉迦維羅衛國沙門佛陀跋陀羅共法顯譯。

初明四乘法。五卷。二明十三事。三明二不定法。共三卷。四明三十事。四卷。五明九十二事。八卷。餘六明四事。七明衆學事。八明滅諍法。共一卷。半。九雜誦跋渠。明受戒治罪。乃至一切僧中雜事。共十一卷。十威儀法。二卷。比丘尼毗尼。五卷。

波羅提木叉僧祇戒本一卷。南貴。北外。

東晉迦維維衛國沙門佛陀跋陀羅譯。

比丘尼僧祇律波羅提木叉戒經一卷。南婦。北隨。

東晉平陽沙門釋法顯共覺賢譯。

彌沙塞部五分律三十卷。南隨外受傳。北而益詠。

劉宋罽賓國沙門佛陀什共竺道生譯。

初分比丘律十卷。第二分尼律四卷。

第三分初受戒法。二布薩法。三安居法。四自恣法。五衣法。六皮革法。七藥法。八食法。

九迦絺那衣法共八卷。

第四分初滅諍法。二羯磨法共二卷。

第五分初破僧法。二臥具法。三雜法。四威儀法。五遮布薩法。六別住法。七調伏法。八

毗尼法。明比丘尼受戒事。九五。百集法。十七。百集法共六卷。

五分戒本一卷。亦云彌沙塞戒本。南業。北外。

蕭梁建初寺沙門釋明徽集。

五分比丘尼戒本一卷。南叔北外。

蕭梁建初寺沙門釋明徽集。

彌沙塞羯磨本一卷。北作二卷。南叔北隨。

唐天水沙門釋愛同錄。

十誦律五十八卷。北作六十五卷。南去而益詠樂殊貴。北誠美慎終宜令榮。

姚秦罽賓國沙門弗若多羅共鳩摩羅什譯。

初誦六卷。四事至三十事之前十事。第二誦七卷。三十事之後二十事。至九十事之前四十事。第

三誦七卷。九十事之後五十事。乃至七滅諍法。第四誦八卷。受具足法第一。布薩法第二。自恣

法第三。安居法第四。皮革法第五。醫藥法第六。衣法第七。

第五誦七卷。迦絺那衣法第一。俱舍彌法第二。佛在俱舍彌時諸羯磨事。瞻波法第三。佛在瞻波

國時諸羯磨事。苦切羯磨法第四。梵云。那般茶盧伽法。二篇悔法第五。順行法第六。遮法第

七。臥具法第八。諍事法第九。廣明滅諍法。

第六雜誦五卷。第七誦尼律五卷。第八誦增一法四卷。第九誦優波離問四卷。第十善誦四

卷。

十誦毗尼序三卷。南貴北婦。

東晉罽賓國沙門卑摩羅叉續譯。

十誦比丘戒本一卷。南傳。北外。

姚秦天竺沙門鳩摩羅什譯。

十誦比丘尼戒本一卷。南傳。北外。

劉宋燉煌沙門釋法穎集出。

大沙門百一羯磨法一卷。南叔。北外。

附宋錄。

十誦羯磨比丘要用一卷。南叔。北受。

劉宋吳國沙門釋僧瓌依律撰出。

薩婆多毗尼毗婆沙八卷。續一卷。前有序。南氣。北夫。

附三秦錄。

薩婆多毗尼摩得勒伽十卷。南懷。北下。

劉宋天竺沙門僧伽跋摩譯。

已上皆屬十誦。十誦雖云即薩婆多。實與薩婆多不全同也。

根本說一切有部毗奈耶五十卷。南賤禮別尊卑。北竟學優登仕。

根本說一切有部苾芻尼毗奈耶二十卷。有御製序。南上和。北貴賤。

根本說一切有部毗奈耶雜事四十卷。南下陸夫唱。北以甘棠去。

根本說一切有部毗奈耶破僧事二十卷。南連枝。北樂殊。

根本說一切有部尼陀那五卷。目得迦五卷。南婦。北睦。

根本說一切有部百一羯磨十卷。南伯。北和。

根本說一切有部戒經一卷。南傅。北初。

根本說一切有部苾芻尼戒經一卷。南傅。北隨。

根本說一切有部毗奈耶尼陀那目得迦攝頌雜事攝頌一卷。南比。北唱。

根本薩婆多部律攝十四卷。南兒。北尊卑。

尊者勝友造。

根本說一切有部毗奈耶頌三卷。南比。北婦。

尊者毗舍佉造。

已上十一律。並唐大薦福寺沙門釋義淨譯。

根本說一切有部出家授近圓羯磨儀軌一卷。南交。北夫。

苾芻習略法一卷。南交。北夫。

二種並元帝師苾芻拔合思巴集。

戒因緣經十卷。南兄。北上。

姚秦涼州沙門竺佛念譯。

解脫戒本經一卷。有僧叻序。出迦葉毗部。南傳北初。

元魏中天竺婆羅門瞿曇般若流支譯。

善見毗婆沙律十八卷。南弟同北禮別。

蕭齊西域沙門僧伽跋陀羅譯。

毗尼母經八卷。亦名毗尼母論。南交北唱。

附卷錄。

佛阿毗曇經二卷。南交北唱。

陳憺禪尼國沙門真諦譯。

舍利弗問經十三紙半。南子北隨。

東晉錄。失譯人名。

優波離問經一卷。南叔北隨。

劉宋中天竺沙門求那跋摩譯。

佛說目連所問經二紙欠。南盡北則。

宋中印土沙門法天譯。

犯戒罪輕重經一紙半。南比北初。



後漢安息國沙門安世高譯。

與上經同。

迦葉禁戒經二紙餘。南比北初。

劉宋居士沮渠京聲譯。

律二十二明了論一卷。南孔北唱。

正量部佛陀多羅多法師造。

陳優禪尼國沙門真諦譯。

大比丘三千威儀二卷。南孔北別。

後漢安息國沙門安世高譯。僧祐云失譯人名。

沙彌十戒法并威儀一卷。前有序。南叔北婦。

附東晉錄。

沙彌威儀八紙餘。南叔北受。

劉宋中天竺沙門求那跋摩譯。

前七十威儀同。

○佛說沙彌十戒儀則經三紙半。南忠北則。

宋北印土沙門施護譯。

攝頌沙彌戒品威儀共計七十二頌。

沙彌尼戒經四紙欠。南子北隨。

今在漢錄。

沙彌尼離戒文三紙餘。南叔北受。

失譯人名。

佛說優婆塞五戒相經一卷。南比北初。

劉宋中天竺沙門求那跋摩譯。

佛在迦維羅衛國淨飯王請爲優婆塞分別五戒可悔不可悔者。令識戒相。使無疑惑。佛言。我久欲與優婆塞分別五戒。若受持不犯。當成佛道。若犯而不悔。常在三塗。因於比丘衆中。次第說五戒輕重可悔不可悔相。

佛說戒消災經三紙。南比北初。

吳月支國優婆塞支謙譯。

持歸戒人鬼神畏避。二人受五戒。同四百九十八人見佛。皆得證果。

佛說大愛道比丘尼經二卷。南比北隨。

北涼錄。失譯人名。

佛說苾芻五法經四紙餘。南盡北則。

宋中印土沙門法天譯。

說五法得離依止等。及說戒七種差別。

佛說苾芻迦尸迦十法經二紙半。南盡。北則。

宋中印土沙門法天譯。

說具足慚愧多聞等十法得為人師。

佛說五恐怖世經一紙。當

劉宋居士沮渠京聲譯。

說末世不遵戒律諸恐怖事。

佛說齋經三紙。南福。北緣。

吳月支國優婆塞支謙譯。

說六齋日受八支五念法。亦收入阿含部

附疑似雜僞律

佛說目連問戒律中五百輕重事經一卷。南猶。北隨。

西晉錄。失譯人名。

唯首品即犯戒罪輕重。并目連所問二經。下諸品與五部律及諸律論俱多矛盾。曾於毗尼集要卷首稍辨之。

上海圖書館藏書



A541 212 0003 4400B

